

證

俗

文

證俗文

棲霞郝懿行著

第二

曰 說文小兒蠻夷頭衣也从冂二其飾也釋名作帽
云冒也玉篇作褶云小兒頭衣也徐鍇曰今作帽帽
名猶冠義取蒙覆其首本纒也古者冠無帽冠下有
纒以繪爲之案纒同紈內則云紈笄總釋名纒以帛
尺注云今之幘梁也漢書江充傳冠禪纒廣終幅長六
纒織絲爲之即今方目紗是也後漢輿服志法冠高
五寸以纒爲展箭注云纒今之紈通俗文幘裏曰纒
天祿識餘網巾之製出自明初時有髮束中圓四

方平頂之謠或曰楊維禎製此戴之以見太祖後人因之帽於冠或裁纚為

帽自乘輿宴居下至庶人無爵者皆服之江左時野

人已著帽人士亦往往而見但無頂圈矣後乃高其

屋云隋書禮儀志帽自天子下及庶人通冠之以白

紗者名高頂帽又有繪阜雜紗為之高屋下裙蓋無

定準唐書車服志烏紗帽者視事及燕見賓客之服

也又通作冒史記冒絮見下

幘方言覆結謂之幘巾或謂之承露或謂之覆髮注云

今結籠是也急就篇注幘者韜髮之巾所以整幘髮也蔡

邕獨斷幘古者卑賤執事不冠者之所服也元帝額有壯髮不欲使人見始進幘服之羣臣皆隨焉然尙

無巾

玉篇佩巾本以拭物後人著之於頭急就篇注巾者一幅之巾所以裹頭也釋名巾謹也二十

成

人士冠庶人巾當自謹修於四教也

案方言謂之幘巾是幘亦通名爲巾至王莽內加

巾故言王莽禿幘施屋後漢輿服志古者有冠無幘秦加武將首飾爲絳帟以表貴賤其後稍稍作顏題漢興續其顏卻揅之施巾連題卻覆之今喪幘是其制也名之曰幘幘者蹟也頭首嚴蹟也至孝文乃高顏題續之爲耳崇其巾爲屋合後施收上下羣臣貴

賤皆服之文者長耳武者短耳尙書幘收方三寸名

曰納言未冠童子幘無屋

後漢書注半頭幘卽空頂幘也其上無屋

隋書

禮儀志文者長耳謂之介幘武者短耳謂之平上幘

幘

說文𦘒也玉篇巾幘唐書車服志幘頭起於後周

便武事者也

廣韻幘頭周武帝所製裁幅巾出四腳以幘頭乃名焉

二儀實錄

古以皁羅三尺裹頭號頭巾三代皆冠列品黔首以

皁絹裹髮至周武帝依古三尺裁爲幘頭唐馬周交

解爲之朱子語類唐人幘頭初止以紗爲之後以紗

輒砍木作一山子在前襯起

案今朝鮮人紗帽狀類此

沈括筆談

梁高祖始布漆於紗施鐵爲腳案鐵爲匡蒙以紗宋史輿服

志幘頭一名折上巾起自後周然止以軟帛垂腳隋

始以桐木爲之唐始以羅代繒惟帝服則腳上曲案

荷雙人臣下垂案如蟬欽翼唐車服五代漸變平

直國朝之制君臣通服平腳案今朝鮮紗帽乘輿或

服上焉其初以藤織艸巾子爲裏紗爲表而塗以漆

後惟以漆爲堅去其藤裏前爲一折平施兩腳以鐵

爲之案朝鮮人亦有不去藤裏者更有一

說文冕也周曰覓殷曰𠙴夏曰收象形籀文作𠙴或作𠙴今

弁作玉篇覓弁也攀也所以攀持髮也儀禮士冠禮注

弁名出於槃槃大也言所以自光大也釋名弁如兩

手相合拊時也以爵韋爲之謂之爵弁以鹿皮爲之

謂之皮弁以韎爲之謂之韋弁制如冕無旒案說文

冕其實非也冕有上覆謂之延弁則無延故無旒其

形高四寸狀如覆盃其卽長七寸前頭高廣後尾卑

銳如爵形也今西域回回帽正如此蓋古爵弁之象

也後漢書東夷傳高句驪著折風形如弁程沙隨

曰皮弁視朝明目達聰若莊纘塞耳前

旒蔽明乃祀天大裘而冕專誠絜也

怡廣韻怡乞洽切弁缺四隅集韻埤蒼帽也怡士服也類篇或作峽帽愜魏志

太祖紀注漢末公卿多委王服以幅巾爲雅是以袁

紹之徒雖爲將帥皆著縑巾魏太祖擬古皮弁裁縑

帛以爲恰合簡易隨以色別其貴賤可謂軍容非國

容也潛確類書引傅子文與此同又曰未有岐荀文

裁四片若六片合縫之如皮弁然而弗改案今小帽

瓜皮謂其形之似也口知錄二十八卷引豫章漫鈔曰今人所戴小帽

以六瓣合縫下綴以簷如箭閣憲副閔爲子言亦太

祖所製若曰六合一統云爾又引太康縣

志曰宏治時市井少年帽尖長俗云邊鼓帽

氊帽 朝野僉載趙公長孫無忌以烏羊毛爲渾脫氊

帽天下慕之其帽爲趙公渾脫後坐事長流嶺南渾

脫之言於是效焉案今士庶皆戴之

氊笠 二儀實錄羌人首服以羊毛爲之謂之氊帽

卽今氊笠秦漢競服之後以席爲骨而鞞之謂之席

帽

案今氊笠不用席鞞

臺笠

小雅臺笠緇撮箋云臺夫須也

卽莎艸

以夫須皮

爲笠所以禦暑雨郊特牲野天黃冠艸服也又曰艸
笠而至尊野服也今人艸笠以席若蒲若麥藁皆可
爲之野夫常戴彼都人士服者鮮焉

穉穢

潛確類書卽今暑月所戴涼笠以青繪綴其檐而蔽日者也

案此有說見後卷

幪頭

說文幪歛髮也方言絡頭幪頭也自關而西秦

晉之郊曰絡頭南楚江湘之間曰帟頭自河以北趙

魏之間曰幪頭或謂之帑

郭注音結亦干

或謂之幪

於怯反

其

偏者謂之髻帶

今之偏疊幪頭也

或謂之髻帶

髻亦結也

古樂府

陌上桑少年見羅敷脫帽著幪頭

儀禮喪服注以麻自項中而前交於

領上卻繞紛如著幪頭焉士喪禮注亦云幪頭蓋皆幪字之譌也釋名綃頭綃鈔也鈔髮使上從也或曰

帟頭後漢書向詡傳好被髮著絳綃頭注云綃當作幪又譌作帟晉書五行志太平中人不復著帟頭

漢書周勃傳太后曰冒絮提文帝應劭曰陌頽絮也

晉灼曰巴蜀異物志謂頭上巾爲冒絮師古曰冒覆

也

案冒帽通

老人所以覆其頭案此則巴蜀名幪頭爲冒

絮也又案釋名齊人謂之幘今則東齊通名首帔亦曰首帕以皂羅爲之齊人覆結上餘半垂後因以爲飾東齊之人但繞結則已不復垂後也

縹巾 說文縹帛蒼艾色詩曰縞衣縹巾未嫁女所服

一曰不借縹縹或作綦案縹巾形狀未聞今之未嫁

女依俗不著頭巾

婦人頭巾之制如平頂幘上不爲屋前廣後殺繫於結後不卻繞前

也

或繫翠帶

形如書帶草葉以翠貼其上因名

因以耀首豈古之遺

象歟

冠子 周櫟園閩小記婦人戴髮髻天下同然獨福州

興化既嫁仍如未嫁處子絕不戴髻髻有則亦爲簪
首飾之具見舅姑之後卽藏去矣案髻髻皆俗字也
髻古作結亦作紒今之髻髻金銀爲之卽名冠子古
今注冠子秦始皇之制也令三妃九嬪當暑戴芙蓉
冠子以碧羅爲之插五色通艸蘇朵子案卽今通艸華勝宮
人戴黃羅髻蟬冠子五華朵子隋帝令宮人戴通天
百葉冠子插瑟瑟鈿朵皆垂珠翠案杜陽雜編唐敬
宗時浙東貢舞女戴輕金冠云可高一尺秤以金絲之重二三分爾以金絲
結之爲鸞鶴狀仍飾以五彩細珠玲瓏相續明皇雜

記唐持盈公主玉葉冠希世之寶明洪武十八年乙丑頒命婦翠雲冠制於天下

卽今鳳冠

面衣 疑卽今俗所謂袱子也晉書惠帝紀尙書高允進面衣案西京雜記趙飛燕爲皇后女弟昭儀上幘三十五條有金華紫羅面衣是漢時已有之陳仁錫潛確類書云前後全用紫羅爲幅下垂雜他色爲四帶垂於背爲女子遠行乘馬之用亦曰面帽

圍帽 又曰古者女子出門必擁蔽其面後世宮人騎馬多著羃羅全身障之猶是古意又首有圍帽謂之

席帽垂絲網之施以珠翠至煬帝淫侈欲見女子之容詔去席帽戴皁羅巾幘女人未笄之冠而以席帽禦雨云唐永徽中皆用帷帽施裙到頸漸爲淺露開元宮人馬上著胡帽靚妝露面古製蕩盡矣

領巾 方言帛褱謂之被巾注云婦人領巾也案今京師婦人領繫白絹巾長垂數尺餘卽其遺象

繡領 今婦人爲領裁八九片合縫刺繡文施於頸上披敷兩邊俗號雲肩

次衣

方言褰袷謂之褊

案今本作褰袷誤從類篇改正

注云卽小兒

次衣也說文襦編臬衣也

蓋織臬爲之

襦謂之襦襦襦領

也

襦掩蓋其別名

案次衣今俗謂之圍背亦曰漿水兜其狀

如緇領裁帛六七片合縫施於頸上其端綴紐小兒

流次轉溼移乾

袍

爾雅釋言襦也禮玉藻纁爲襦纁爲袍喪大記袍

必有表注云褻衣案古以袍爲褻著爲裏衣卽今襖

之屬也不開襟故玉篇云袍襖也

韓愈詩破襖請來綻古字無襖唯見

玉篇末書孔琳之傳至於袍襖兩端必俟戰陣是袍襖異又徐湛之傳高祖微時貧陋過甚嘗自新洲伐荻有納布衫襖等衣皆敬皇后手自作按納布衫襖謂納紵布以爲衫襖也襖字始見於此又唐宣宗嘗

語大臣曰平宗時內府錦襖二飾以金雀一自御一與貴妃今則卿等家家有之矣方言褒明

謂之袍注引廣雅云褒明長襦也釋名袍丈夫著下

至跗者也袍苞也苞內衣也婦人以絳作衣裳上下

連四起施緣亦曰袍義亦然也案古丈夫婦人皆著袍後漢書

輿服志袍者或曰周公抱成王宴居故施袍

衫篇海小襦也一曰單襦釋名衫芟也衫末無袖端

也案袖短故曰無袖端也束皙近遊賦云脅汗衫以當熱又衣之通稱唐書車

服志士人以帛紵襦衫爲上服案類篇衣與裳連曰襦王篇襦衫也馬

周請加襦袖標襪綱目集覽馬周以三代布深衣因其下著襦及裾名曰襦衫以爲

也上士之服襖襖類篇緣也釋名襖撰也青絳爲之緣也開

髀者名缺髀衫髀衫也書缺髀衫庶人服之卽今四

前後左右皆劃開不合縫又有從戎缺髀之服唐書

俗謂之外褂古人無此字武德元年詔諸衛將軍每至十月一日皆服缺髀襖子案卽今缺襟袍

科被 方言無袂之衣謂之褙玉篇科衫袖也說文被

蠻夷服也玉篇或作褙案褙袂科被者狀如袍而

無襟袖披之以禦雨雪今禮部會試有散科被官四

員俗謂之科朋

半臂 襜褕也玉篇襜褕直裾也漢書雋不疑傳有一

男子衣黃襜褕師古注襜褕直裾禪衣也方言襜褕

其短者謂之短褕

郭注短音豎豎裾不完楊倞注云豎裾僅豎之

荀子大略篇衣則

裾亦短裾也史記秦始皇本紀夫寒者利短裾徐廣曰一作短小襦也

蓋其制長短隨

人無定準也短者自要以上長者乃與衫齊其短袖

侈袂則一耳

潛確類書引二儀實錄隋大業中內官多服半臂餘即長袖也唐高祖滅其袖

謂之半臂今背子也江淮之間或曰綽子土人競服

披風後漢光武帝紀衣諸于繡褕注云前書音義曰

諸于大掖衣也如婦人之袷衣字書無褕字續漢書

作褕並音其物反方言襜褕其短者自關而西謂之

統襖郭注云俗名襖掖據此則是諸于上加繡襖如今之半臂也又魏志楊阜傳阜嘗見明帝著帽被縹綾半袖問帝曰此於禮何法服也半袖卽半臂是則漢魏以來已有此製矣閒亦有無袖者俗名背心而曰知錄引說文無袂衣謂之褙趙宦光曰半臂衣也其說非也半臂是有袂非無袂矣又曰武士謂之蔽甲方俗謂之披襖小者曰背子又引洪武二十六年三月禁官民步卒人等服對襟衣惟騎馬許服以便於乘馬故也今之罩甲卽對襟衣案對襟衣便於騎

馬今俗謂之馬褂其罩甲之制狀類一同而其邊有緣中有題識武士之服也說文卒衣有題識者戒庵漫筆云罩甲之制正德間創自武宗近日士大夫有服者唐人妝樓記房太尉家法不著半臂

裯褱 類篇衣名釋名裯褱其一當胸其一當背也據此蓋亦缺髀衫之類古詩裯衫繡裯褱西京雜記趙飛燕女弟遺飛燕金錯繡褱宋書柳元景傳安都怒甚乃脫兜鍪解所帶鎧唯著絳納兩當

帔 玉篇在肩背也釋名帔披也披之肩背不及下也

案此如今之披肩

正字通以爲積字省作背非也

霞帔 南史任昉傳昉子西華冬月著葛帔練裙案

此如今之霞帔

丈夫通服其說未聞

潛確類書引二儀實錄三

代無帔說秦有披帛以縑帛爲之漢卽以羅晉永嘉中制縫暈帔子是披帛始於秦帔始於晉也唐令三妃以下通服之士庶女子在室搭披帛出適披帔子以別出處之義宋代帔有三等霞帔非恩賜不得服爲婦人之命服而直帔通於民間也

帶

說文紳也男子繫帶婦人帶絲象繫佩之形佩必

有巾从巾釋名帶帶也著於衣如物之繫帶也方言
厲謂之帶小雅垂帶如厲內則注春秋桓二年左傳既
云帶裳幅舄又言鞶厲游纓攷經傳古書帶之與厲
明是二物自毛傳小爾雅以帶之垂者爲厲後儒沿
之而誤由是知有帶不知有厲矣

佩 魏志王粲傳注引鞶虞決疑要注曰漢末喪亂絕
無玉佩魏侍中王粲識舊佩始復作之今之玉佩受
法於粲也

裙 說文下裳也或作褰又云常下裙也或作裳釋名

裙羣也連接裙幅也裳障也所以自障蔽也方言裙

陳魏之間謂之帔

郭音披

自關而東或謂之襜

音碑今關西語

然也又云繞衿謂之裙

俗人呼下裳

案衿領古通用

案說文

襜裙也一曰帔也一曰婦人脅衣古者童子不衣裘

裳今世惟婦人有裳其小兒亦有者爲其不禪也

袂

廣雅稍袼衽謂之襜

袂楚懈切

通鑑唐僖宗乾符元

年王凝崔彥昭同舉進士凝先及第嘗袂衣見彥昭

李商隱詩芙蓉作裙袂又曰褰袂芙蓉小案裙袂連

言明是同類袂衣見客卽知爲婦人之服也今呼女

流裘叙或書作釵俗人不識字耳

幘

說文幘幘也幘或作幘幘幘也幘或作禪案幘亦

或作褌方言禪陳楚江淮之間謂之褌亦作褌博雅

褌褌禪也玉篇小禪也

類篇褌褌小兒衣也出字林

釋名禪貫也

貫兩腳上繫腰中也玉篇褌衣急就篇注袴合褌謂

之禪最親身者也案袴與禪大體相同惟褌則異有

褌者爲禪無褌者爲袴也

本艸禪褌解毒箭並女勞復

然博雅又

云禪無褌者謂之褌是則禪亦有無褌者今世惟童

子禪無褌其餘皆有也漢書司馬相如傳身自著犢

鼻禪師古曰卽今之衿也形似犢鼻故以名云其說非也案鼻當爲裨方言無裨之袴謂之裨注云袴無跣者卽今犢鼻禪也裨亦褌字異耳玉篇犢鼻以全三尺布作形如牛鼻相如所著也此則犢鼻之形如禪而無跣取便操作今人有跣之禪亦有卷其跣至股上者蓋效犢鼻之爲也此亦一說但廣雅云褌裨褌也以裨禪爲袴之名漢書作鼻禪蓋古字假借通用而說者便謂形如牛鼻此因文生訓耳恐未必然其以犢名禪者蓋如牛衣之例漢書兩王傳章疾病

無被臥牛衣中師古曰牛衣編亂麻爲之卽今俗呼爲龍具者如此則牛衣犢裨正堪作對並是貧人儉陋之製相如著此正欲故顯其貧以恥王孫耳當從方言廣雅作裨爲是所以稱犢裨者犢言其小耳蓋形制短小僅堪蔽膝急就篇云禪衣蔽膝布母縹說文歲貉中女子無袴以帛爲脰室用絮補核名曰縹衣狀如襜褕蓋卽犢裨之類也後世禪著絲絮由此興焉

中裨 蓋禪之異名漢書萬石傳取親中裨廁牀身

自澣洒晉灼曰今世謂反門小袖衫爲候脰師古曰

中裊若今言中衣也廁脰者近身之小衫若今汗衫

也

蘇林曰脰音投賈逵解周官云脰行清也孟康曰

曹謂之脰案脰字从片判木也說文脰築牆短版蓋

以短版施諸廁上即名廁脰也師古從晉灼而不取

孟康之說攷之

袴

說文脰衣也褰袴也春秋傳曰徵褰與襦

昭二十五年左

傳注云褰袴疏引內則云童子不

衣襦袴以可褰行故以褰爲袴

褰袴踦也

兩股或作襠綺袴紐也釋名袴跨也兩股各跨別也

方言袴齊魯之間謂之褣

郭注傳曰徵

或謂之褣今

呼袴音跣為關西謂之袴大袴謂之倒頓今電小袴謂

之校衿今褊袴也楚通語也案袴又名褊說文褊袴

也詩秦風與子同褊箋云褊褻衣近污垢是也案毛詩作

澤以韋為之謂之褊說文褊羽獵韋袴或作褊虞書

曰鳥獸褻毛左氏成十六年傳有韋韋之跗注杜注

韋赤色跗注戎服若袴而屬於跗與袴連案跗注著

袴如今勒子鞵之製取其然則跗注即褻之類歟又

有袴褶音習吳志裴松之注呂範釋講著袴褶執鞭詣

闕下晉書輿服志袴褶之制未詳所起又曰弓弩隊

各五十人黑袴褶類篇袴褶騎服蓋亦褻跗注之類
皆戎服也窮袴者見漢書外戚傳云雖宮人使令皆
爲窮袴多其帶服虔曰窮袴有前後當不得交通也
師古曰窮袴卽今之緄襠袴也緄音下昆反南齊書
永明中高麗使至服窮袴冠拒風曰此古之遺像也
溺袴者漢書周仁傳常衣弊補衣溺袴期爲不潔清
師古曰溺讀曰尿尿袴者爲小袴以藉其尿案小袴
豈卽褳衲之屬今未詳也又袴與褳別古人皆先著
褳而後施袴於外魏略韓宣以當受杖豫脫袴纏褳

面縛北齊書外戚爾朱文暢傳云任胄令仲禮藏刀
於袴中則知禪外有袴也史記趙世家夫人置兒袴
中又知古者婦人亦著袴也或謂古雖名袴但不縫
口非也卽如是何以得置兒其中邪袴取急束於戎
裝爲便故宋書劉穆之傳壞布裳爲袴往見高祖袴
難涉水故淮南原道訓云九疑之南短絙不袴以便
涉游說文云薺貉中女子無袴而今東南蠻有女子
無禪者惟有裳而已又有爲禪而皆禪無絮者冬月
漸寒以次遞加至有著十餘禪者故漢書廉范傳遷

蜀郡太守百姓歌曰廉叔度來何暮不禁火民夜作

作協音則護反

平生無襦今五袴蓋當時蜀郡即著五袴此

歌所云皆實錄也而西北之人至有不著一袴者崔

寔政論曰僕前爲五原太守土俗不知緝績冬積艸

伏臥其中若見吏以艸纏身令人酸鼻

後漢書本傳

日知

錄今大同人多是如此婦人出艸則穿紙袴眞所謂

裸蟲者也

案桂陽人舊不知爲履與此相類水經未

太守民惰懶少織履足多剖裂茨教

作履今江南知

徐鉉曰今俗

釋名襪末也在腳末也

襪

說文足衣也

作襪非是

左氏哀二十五年傳褚師聲子韞而登席杜注古者
見君解韞曰知錄二十八卷旣解韞則露其邪幅而
人得見之采菽之詩所以爲詠今之邨民往往行滕
而不韞者古人之遺像也吳賀邵爲人美容止坐常
著韞原注始从衣字案釋名已从衣字非始於此希見其足則漢魏之世
不韞而見足者多矣案韓非外儲說文王韞繫解因
自結漢書張釋之傳王生曰吾韞解釋之跪而結之
是知漢以來臣見君便已著韞矣非始於賀邵也爰
穀子曰三代謂之角韞前後兩隻相成中心繫帶子

魏文帝吳妃始以綾羅裁縫爲之

案如今之襪也襪或作袜宋書禮志

五袜各一量又云袜布三尺袜卽襪字耳

羅襪 女子襪也曹植洛神賦凌波微步羅襪生塵

唐楊貴妃錦勒襪今名膝袴

言鯖秦檜死高祖告楊郡王曰朕今日始免膝

襪中帶匕首矣宋時男子之襪亦稱膝襪今婦人稱之男子無稱膝襪者矣杜牧之襪詩鈿尺裁量減四分纖纖玉筍裏輕雲五陵年少欺他醉笑把花前出畫裙

行膝 脛纏也詩小雅邪幅在下箋云邪幅如今行膝

也偪束其脛自足至膝故曰在下疏云名行膝者言

行而緘束之案邪幅或單作幅左氏桓二年傳帶裳

幅鳥亦作偪禮內則偪屨著綦注云偪行滕釋名偪所以自偪束今謂之行滕言以褻腳可以跳騰輕便也亦或單作滕戰國策蘇秦嬴滕履屨其文字通名皆作行滕吳志呂蒙爲兵作絳衣行滕舊唐書德宗入駱谷值霖雨道塗險滑東川節度使李叔明之子昇及郭子儀之子曙令狐彰之子建等六人恐有姦人危乘輿相與齧臂爲盟著行滕釘鞵更鞵上馬以至梁州是則古人單著行滕之驗今邨民有著行滕而後鞵者亦有不鞵而著行滕者皆古之遺象也

行纏

女子纏足也

案以下並見潛確類書

七林美詠美人足

飾曰文綦綵縹

肩綸

投襪羅縢

原注縹足衣縢足纏

六朝樂府

雙行纏詞云新羅繡行纏足趺如春妍他人不言好

獨我知可憐

案齊東野語侯以金貼地令潘妃行其上曰步步生金蓮華女子弓足蓋起於此

古未問焉

姚鵲尺牘馬嵬老姬拾得太真襪以致富其女

名玉飛得雀頭履一隻真珠飾口以薄檀爲苴僅三

寸玉飛奉爲至寶不輕示人則纏足必在貴妃之先

足下所記女子纏足起於李後主宵娘新月狀似未

深攷矣

道山新聞李後主宮嬪宵娘纖麗善舞後主作金蓮高六尺飾以寶物細帶纓絡蓮中作

品色瑞蓮令宵娘以帛纏足令纖小屈上作新月狀
素襪舞蓮中回旋有凌雲之態案李後主即尋東
昏覆轍耳女子纏足固非起於此時而楊慎據雜事
秘辛謂始於後漢亦非也是書即慎偽造蓋不足據
謂起於六朝者近是花間集云慢移弓底繡羅襪唐
人詩云六寸膚圓光緻緻皆弓足詩也弓足者言纏
足中斷彎
如弓形

履

說文足所依也从尸从彳从夊舟象履形

案履以載足亦

以覆足因為行戒
故从舟似兼會意

一曰尸聲古文履从頁从足作𡳵

世本黃帝臣
於則造履

釋名履飾足以為禮也

爾雅釋言履禮也潛確類書

漢履婦人員頭男子方頭
晉太康後婦人皆方頭

方言絲作者謂之履又曰

履其通語也謂之履者說文履也蓋亦通名耳方言

自關而西謂之屨麻作之者謂之不借

釋名不借言賤易有宜各

白蓄之不假借人也齊人云搏腊搏腊猶把鮮麤貌也

今人以艸為屨即不借

之遺也又曰麤者謂之屨東北朝鮮洌水之間謂之

鞞角

原注鞞音叩又注今漆履有齒者案急就篇作叩角

南楚江沔之間總

謂之麤

沔水今在襄陽

西南梁益之間或謂之屨

他回反字或作屨音

同或謂之屨

下瓦反一音畫

案此皆博屨之異名耳

說案

文鳥離也蓋離畏溼故曰乾離

以木置屨下乾腊不畏沉溼也周官

屨人注複下曰舄禪下曰屨方言中有木者謂之複

舄自關而東複屨其庠者謂之鞞下

鞞音婉釋是也名作晚下

今人削木爲屨底京師婦人好高底屨有至七八寸

者蒙之以布所謂複舄者也屨者木屨也說文屨也

屨屨也今邨民稱鞢屨

居切

古之遺語也釋名屨躋

也出行著之屨屨輕便因以爲名也屨楮也爲去聲爲

兩足楮以踐泥也齊書舊爲屨者齒皆達楯上名曰

露卯晉書阮孚性好屨或有詣阮正自蠟屨而謝靈

運登山常著木屨上則去前齒下則去後齒蓋屨有

兩齒蠟之欲其光澤禦溼也

案屨有不爲齒者晉書宣帝紀懿使軍士三千

人著輓材平底木屨前行然後馬步俱進是也異苑介子推抱木燒死晉文

伐以制屐則屐起於春秋時矣

案屐或作跂莊子躡地篇跂屨為服

者說文舞屐也或作鞮

案玉篇屨屨也或作蹠

漢書地理志彈

弣跼躡注云躡屨同謂小屨無跟者雋不疑傳躡屨

相迎注云屨不著跟曰躡案今俗所謂吸鞮者即躡

屨也躡吸聲轉耳所以宜屨者謂之屨說文屨屨中

薦也

徐鍇曰屨中替也王宮中有響屨廟或作屨

案吳

所以帖屨者謂之鞮

說文鞮屨後帖也

急就篇屨為鞮袷絨綴紉注云屨跟之帖也

其空謂之

鞮說文鞮屨空也

徐鍇曰屨空猶言屨設也

其偶謂之鞮說文鞮

屨兩枚也一曰紃也方言鞮鞮紃也

原注謂屨中紃也音校詩

齊風葛屨五兩兩緇古通用

鞢

說文革生鞢也鞢革履也

釋名鞢解也著時緇其上如履然解其上

則舒解也

玉篇鞢鞢也揚雄長楊賦革鞢不穿

師古曰鞢革履也

方言禪者謂之鞢

郭注今韋鞢也禪謂禪下與烏異

案

釋名齊人謂

韋履曰扉

案扉亦履之通名方言徐充之郊謂之扉左氏僖四年傳共其資糧扉履

說文

鞢履也从韋段聲蓋亦鞢屬也周官宗伯鞢鞢氏注

云鞢讀如履鞢履四夷舞者所扉也呂忱曰鞢革履

也鞢者幹鞢案此皆鞢之異名也玉篇鞢同鞋革鞢

也革底麻泉淮南齊俗訓不亟於爲文句疏短之鞢

今人以爲屨之通名失其義矣小兒著者謂之鞞說
文鞞小兒屨也釋名鞞韋屨深頭者之名也鞞襲也
以其深襲覆足也小兒屨又謂之紉說文紉亮屨也
廣韻以爲小兒皮屨急就篇注云圓頭掩上之屨也
案今邨民以皮爲屨其頭正圓深掩前上艸薦於中
俗謂之紉聲轉爲膀周官屨人皮屨其狀疑或類此
但其下有紉纒爲飾耳蓋古者王公通著之故慎子
君人篇有虞氏之誅以後紉當刑

日知錄二十卷內
邱縣志曰萬歷初

庶民穿脰鞞儒生穿雙臉鞋非鄉先生首戴忠靖冠
者不得穿脰邊雲頭屨至近日而門快輿阜無非雲

履原注雲履
俗呼朝鞋

鞞亦鞞屬也釋名跨也兩足各以一跨騎也廣韻鞞

鞋鞞趙武靈王所服亦作鞞集韻又玉篇鞞鞞也亦

履也履同鞞隋書禮儀志惟褶服以鞞鞞履也取便

於事施於戎服又曰長鞞鞞咬獵豫遊則服之玉篇

鞞鞞也集韻曲也俗謂鞞鞞曰鞞鞞音邕鞞鞞潛

確類書鞞趙武靈王常服之其制短鞞至馬周改制

長鞞加之以氊及條得著入殿省敷奏取便乘騎也

案古鞞鞞短今之鞞子鞞其狀類鞞而施短鞞及條

卽古鞞之遺象也廣韻吳人靴勒曰鞞音翁是則勒又

名鞞也鞞鞞者廣韻鞞履也釋名鞞鞞鞞之缺前壅

者胡中所名也鞞鞞猶速獨足直前之言也案鞞鞞見急就

篇

又有鞞鞞

音甲沙集韻鞞或作鞞

玉篇鞞紗履博雅鞞鞞鞞

也

被

說文寢衣也長一身有半蓋引論語文

案今人爲被長於身

尺許耳後人慮短不及先民心長也釋名被被也被覆人也傳予被銘

被雖溫無忘人之寒無厚於己無薄於人凡被四邊

有緣謂之池或曰被頭別施帛爲池一曰被識禮喪

大記注統以組類爲之綴之領側若今被識矣案被
識若今衣上小帶古時被閒蓋亦施帶至漢猶然禮
內則縣衾篋枕衾獨稱縣其爲有帶可知晉左思詩
衣被皆重池宋庠詩春寒到被池則知衣被皆有帶有池衣之
池則純緣是矣見禮記又凡物緣邊皆謂之池喪大記
魚躍拂池則棺上飾亦名池也米芾書史隋唐藏書
卷首帖綾謂之玉池是亦被池之義也被橫謂之裕
廣韻橫裕小被也

襁緣

說文云襁負兒衣緣小兒衣也

緣俗作襁非

裴松

之注魏志涼茂傳引博物記曰襁織縷爲之廣八寸
長尺二以約小兒於背上負之而行案縷卽小兒被
也孟康注漢書以縷爲小兒被是也小兒被亦謂之
褊詩釋文云齊人名小兒被曰褊韓詩云載衣之褊
茵 說文車重席司馬相如說作鞞禮少儀茵注云茵
著蓐也漢書丙吉傳此不過汚丞相車茵耳注云茵
蓐也爾雅釋器蓐謂之茲注云公羊傳屬負茲茲者
蓐席也左氏成十六年傳蓐食申禱案蓐亦茵耳茵
本車薦夜卽以爲臥席或於中著艸故少儀注云著

蓐也凡畜獸薦艸亦曰蓐周禮圉師春除蓐蠹廢始
牧注云蓐馬茲也馬既出而除之爾雅釋獸豕所寢
檜注云檜其所臥蓐是也茵通作裊蓐通作褥釋名
褥蓐也人所坐褻蓐也詩秦風疏云茵者車上之褥
後漢書王暢傳暢常布衣皮褥晉書劉寔傳嘗詣石
崇家見有絳蟲帳案蚊帳始見於此裊褥甚麗唐書百官志
守宮令席壽三年氍壽五年褥壽七年

枕 說文臥所薦首者釋名枕檢也所以檢項也案古

者枕以木爲故字从木

周易坎六三檢且枕鄭注木在手曰檢在首曰枕枕

函謂之篋

禮內則篋枕

枕巾謂之巾

說文巾也

穎警枕也

少禮

儀注

案吳越錢鏐宋司

隱囊亦枕類也

案今之

六

馬光皆以圓木爲警枕

朝人作隱囊柔輦可倚王維詩不學城東遊俠兒隱

囊紗帽坐彈棊

囊

俗也

玉篇作袋

說文

說文勝囊也幃囊也

楚辭

壤以充

禮內則施繁褱

注繁小

皆佩容臭

注容臭香

幃兮

案香囊起於此照袋者囊類也

即昭文袋

言鯖

四方有蓋中貯紙筆等五代世人多用之

今譌爲鈔袋蓋明代用鈔以此貯之耳

紫荷囊者

今朝服披領也

晉書輿服志八座尚書荷紫以生紫爲袷綴之外服加於肩上又宋書齊

志皆謂紫袷囊俗呼曰紫荷隋志朝服綴紫荷錄令
左僕射左荷右僕射尚書右荷案荷音賀取負荷
之義今荷包本此梁史周捨問劉杳尚書郎官著紫
荷囊何所出杳曰張安世傳謂持橐簪筆橐囊也近
臣簪筆以待顧問案宋書禮志五說紫
荷或云漢代以盛奏事負荷以行未詳也

布

說文晁織也釋名布布也布列眾縷爲經以緯橫

成之也又太古衣皮女工之事始於是施布其法度
使民盡用之也案古布以麻爲之禮運治其麻絲以
爲布帛小爾雅麻紵葛曰布說文緡細布也緡或作
緡明以麻爲之也呂氏春秋戎人見暴布者而問之
曰何以爲之莽莽也指麻而示之怒曰孰之壤壤也

可以爲之莽莽也

案戎人衣皮故不識布

自六朝以來始以棉

花爲布本艸木棉有艸木二種今南中有木棉其北

土皆艸棉耳

木棉名班枝花樹大盈抱花紅似山茶而蕊黃花片極厚嶺南甚多宋書良

吏杜慧度傳林邑乞降輸生口

南史高昌國傳有艸

大衆金銀古貝等古貝卽棉也

實如繭中絲爲細纒名曰白疊杜甫詩光明白疊巾卽此案疊亦作氎

白亦作帛後漢書南蠻傳知染采文繡罽帛疊注

云外國傳曰諸薄國女子織作白疊花布然疊字或

从毛以非木棉爲之者白疊又名榻史記貨殖傳榻

布皮革千石漢書音義榻布白疊也案榻布漢書作

苔布蓋卽今搭連布師古注以爲麤厚取以爲布甚
之布是也孟康以苔布爲白疊恐非
輒白演繁露唐環王傳棉古貝艸也緝其華爲布麤

曰貝精曰氎張勃吳錄交趾安定縣有木棉樹高丈餘通鑑梁武帝送木棉阜帳史照釋文木棉江南多有之以春二三月下種既生一月三薹至秋生黃華結實及熟時其皮四裂其中綻出如綿案今艸棉正照釋文又云土人以鐵鋌碾去其核取如綿者以竹筒就車紡之自然抽緒如纜然則今之木棉自交趾絲狀織以為布彈長五然則今之木棉自交趾來艸棉自高昌來也又左思蜀都賦布有橦華張揖曰橦華柔脆可績為布出永昌蓋木棉之類也迄今二棉遺種衣被萬方視絲麻之利蓋溥焉至若殊方

絕國布有異名說文幪南郡蠻夷賁布也緝氏人殊

縷布也縹蜀細布也

又云純氏人縷也縷西胡毳布案卽今純縷逸周書王會

解云正西以純縷爲獻也

案漢書文翁張騫傳俱

載蜀布服虔曰布細布是也

又文選蜀都賦黃潤比

筒注云細布也司馬相如凡將云黃潤纖美宜制禪

越絕書白越細布也廣州記蠻夷不釐剝古緣藤績

布以爲記曰衣服在躬而不知其名爲罔布者女工之

紬

說文大絲繒也

繒帛也帛繒也春官典命注帛如今壁色繒也

釋名紬抽

也絲端出細緒也急就篇注抽引粗繭緒紡而織之

曰紬案紬類實繁說文紬布也一曰粗紬總十五升

布也一曰兩麻一絲布也案今俗名總布爲紡絲紬蓋其質半布半紬也

段 說文鞞或作緞履跟帖也今俗書爲紬緞字誤矣又張衡詩美人贈我錦繡段宋書范曄傳義康餉熙先銅匕銅鑷袍段基奩等物說文段椎物也一曰也帛二曰緇分而未亦無紬緞義

絹

說文繪如麥稍釋名絹絙也其絲絙厚而疏也同

堅

博雅繁總鮮支縠絹也

案鮮支縠也說文縠生絲也急就篇注縠生白縠似

縠而疏者一名鮮支縠說文細縠也詳見下

其厚者謂之縠說文縠並絲

繒也漢書外戚傳注縑卽今之絹也釋名縑兼也其
絲細緻數兼于布絹也其薄者謂之紗古字作沙周
官內司服注素沙者今之白縛也六服皆袍制以白
縛爲裏使之張顯今世有沙縠者名出於此釋文縛
爲今作絹字說文云鮮色也案玉篇紗縠也漢書

說文絹縛本二字釋文合爲一

江充傳充衣紗縠禪衣師古曰紗縠紡絲而織之也
急就篇注亦云已輕者爲紗縠者爲縠說文縠細縛

紡而成謂之紗

也釋名縠粟也其文足足而踈視之如粟也又謂沙

縠亦取踈踈如沙也後漢書章帝紀詔齊省冰紈方

空縠注縠紗也是則紗縠並絹屬特其輕薄者耳其
白而生者謂之縞縞不練者也說文縞鮮色也小爾
雅縞之精者曰縞禮玉藻疏云縞是生絹漢書地理
志注縞鮮支也卽今所謂素者也素者說文作縞白
縠縞也九經字樣小爾雅縞之粗者曰素急就篇注
素謂絹之精白者紃者說文素也急就篇注紃卽素
之輕者釋名紃煥也細澤有光煥煥然也文選古詩
被服紃與素李善注范子曰白紃素出齊漢書元帝紀罷齊三
服官李斐曰齊國舊有三服之官獻冠幘紃爲首服
紃素爲冬服輕絹爲夏服凡三師古曰縵與纓同卽

今之方目紗也純素今之絹也輕綃今之輕紗也

綾 說文東齊謂布帛之細曰綾方言綾文也釋名綾

凌也其文望之如冰凌之理也

案王延壽魯靈光殿賦削綳綾而龍鱗注

綳綾不平貌蓋綾文不平綳綾猶言增峻也

玉篇綾文繪也其細者謂之

綺說文綺文繪也釋名綺敬也其文敬邪不順經緯

之縱橫也漢書高帝紀賈人無得衣錦繡綺縠紵罽

師古曰綺文繪即今之細綾也

米芾書史隋唐藏書皆金題錦罽注云罽

卷首帖綾又謂之玉池有毬路錦罽樓臺錦罽擣蒲

錦罽楊慎謹戶錄古裝裱卷軸引首後以綾黏者曰

罽唐人謂之玉池

孫聯芬曾孫國忠同校字
茹
鎮

證俗文卷二

證俗文卷三

一

之然今溫器有火鉗者外以錫鑊爲匡中央幹以銅火箭熾炭其中以溫食其形正圓蓋鍍屬與今熨斗異也嶺表錄異云廣州陶家皆作土鍋鑊燒熱以土油之其潔淨則愈于鐵器尤宜煮藥一斗者纔直十錢愛護者或得數日斯亦濟貧之物杜甫詩土銼冷疎煙注銼音挫

蜀人呼釜爲銼攷說文秦名土釜曰鼇从鬲牛聲讀

若過今世通名釜曰鼇不獨秦矣其曰土釜蓋燒瓦

爲之若今之沙鼇然也俗人見有鐵爲鼇者遂書字

作鍋不知鍋是車釭又盛膏器皆見方言

車釭齊燕海岱之間

謂之鍋自關而西盛膏非釜之名依字當書爲鼇又者乃謂之鍋說文作鍋內則敦牟后區注牟讀曰整釋文齊人呼土釜爲牟案今之沙鼇多象兜牟之形兜牟首鍍也蓋牟爲土

釜之名首鎡
似其形故爾

鎡 釜屬

楚庚切

通俗文

有足曰鎡
緯略三足溫酒器也唐薛大鼎

賈敦頤鄭德本號鎡脚御史

案鎡有三足兩耳

宋史太祖紀其足鼎鎡猶有耳

庫而耳居蓋上腹庫如足與鼎異也字本作鎡六書

故三足鎡也俗作鎡

案作鎡亦通

正韻酒器南齊竟陵王

子良遺何點以徐景山酒鎡古借用倉

案借倉未聞

礪

說文石磴也磴礪也古者公輸班作磴案礪俗省

作磨

正字通俗謂磴曰磨以磴合兩石中琢縱橫齒能旋轉碎物成屑也

水經注沮水

又東南徑驢城西磨城東傳云子胥造驢磨二城以

攻麥邑是則磴礪必起於春秋之時矣今世磴礪用人用驢各從其便日屑麥可數斗晉王戎有水磴其制當如水碓斯又捷於人驢者也礪下其麪曰隤簸出其粗曰扇皆古語然也急就篇礪礪扇隤春簸颺方言礪或謂之礪郭注卽磨也錯礪反

礪 俗作礪所以輓物器也以石爲輪似礪礪一作礪礪

形而圍徑稍大斲木輶其兩頭而轉之以輶粟去皮也作礪不知起於何時蓋在礪礪以後矣

礪 說文春也春擣粟也从升持杵臨曰上午杵省也

古者雖父初作舂桓譚新論必譏制杵臼之利後世
加巧借身踐碓而利十倍案說文齊謂舂曰𣪠讀若
膊蓋舂字从𠂔自古舂皆用手而桓譚獨曰踐碓者
今京師碓房植兩木如架橫施一木其端綴杵舂人
以足踏之俗曰踏碓其功捷於用手此卽所謂借身
踐碓則知其制起於前漢之時矣又有水碓者通俗
文水碓曰輶車注云今俗依水涯壅上流設水車轉
輪與碓身交激使自舂卽其遺制又杜預作連機碓
孔融肉形論云賢者所制或踰聖人水碓之巧勝於

斷木掘地是其利又十倍於踐確也確梢謂之機方

言確機

郭注確梢也

陳魏宋楚自關而東謂之槌

音延

案槌

長木也確機蓋卽綴杵之長木版

黃庭堅題王黃州墨跡掘地與斷木

智不如機春聖人懷餘巧故爲萬物宗案是詩意本孔融論困學紀聞十八卷詳之

繼車 今之紡車也說文繼箸絲於筭車也筭筵也筵

繼絲筵也筵筭也

案今之筭其絲繼用葦或剔秫藁爲之

紡車之制

蓋起於中古其壓車謂之專說文專紡專詩曰載弄

之瓦傳瓦紡塼也釋文塼本又作專是也其車索謂

之繹考工記玉人之事天子圭中必注云必讀如鹿

車繹之繹是也後漢書崔寔傳詣雁門廣武迎織師

使巧手作機乃紡以教民織寔爲五原太發是邊郡

紡織之始也方言繹車

郭注繹蘇對反

趙魏之間謂之輹輹

車東齊海岱之間謂之道軌案輹輹廣雅作歷鹿道

軌謂之鹿車

案鹿車小車也風俗通云鹿車窄小裁容一鹿後漢書列女傳桓少君與宣共

挽鹿車歸鄉里是也與此鹿車異

玉篇繹車亦名鼓車亦名軌車案

道軌之名道者導引也今俗紡繹訖又覆施於竿車

名曰道綫亦曰道繹卽道軌之義也輹輹又通作輹

鹿後漢輿服志注引獨斷曰其狀若婦人縷鹿辟縹

曰下輪大上輪小

土炕 日知錄北人以土爲牀而空其下以發火謂之

炕古書不載

詩瓠葉傳炕火曰炙正義曰炕舉也謂以物貫之而舉於火上以炙之案說

文炕

乾也左傳宋寺人柳爇炭于位將至則去之新序宛

春謂衛靈公曰君衣狐裘坐熊席隩隅有竈漢書蘇

武傳鑿地爲坎置燭火是蓋近之而非炕也

庾信小園賦管

甯藜牀雖穿而可坐嵇康鍛竈既煥而堪暝

舊唐書東夷高麗傳冬月皆

作長坑下然燭火以取煥此卽今之土炕也但作坑

字

案坑俗字說文作阡閭也

煖房

日知錄水經鮑工水注云土垠縣

案縣在今永平西南

有觀雞寺寺內起大堂甚高廣可容千僧下悉結石

爲之上加塗墍基內疏通枝經脈散基側室外四出

爨火炎勢內流一堂盡溫此今人煖房之制形容盡

之矣

案北方又有地炕鑿地爲坎然柴其中滿室如春名曰地炕其實煖房耳

土室 猶土窯然蓋陶復陶穴之遺也今蒲州卽古

幽地其人尙依土窟穴巖畔以居行客眺山半出煙

火卽知有居人也尙書大傳子夏曰退而巖居河濟

之間深山之中作壤室案子夏居西河其壤室卽土

窟耳鹽鐵論四卷曰邊民無桑麻之利仰中國絲絮

而後衣之夏不釋複冬不離窟父子夫婦內藏於專

室土園之中

案高誘淮南本經訓注云專特小室也

又漢書匈奴傳各

居其邊爲甌脫服虔曰甌脫作土室以伺也師古曰

境上候望之處若今之伏宿處也

案史記注韋昭曰界上屯守處纂文

曰甌脫土穴也

又精廬授經之舍也見後漢書困學紀聞十三卷云精廬見姜肱傳乃講授之地卽劉

淑包咸檀敷傳所謂精舍也文選任彥升表用精廬李善注引王阜事五臣謂寺觀謬矣

牀

說文安身之坐者

从木升聲

徐鍇曰左傳遺子馮詐病

闕地下冰而牀焉至於恭坐則席也故从升升則牀

之省象人衾身有所倚著

案凡不是字故徐楚金言說文無凡字至於玉篇類

篇篇海並無凡部

釋名人所坐臥曰牀牀裝也所以自裝載

也廣雅棲謂之牀

案趙岐孟子注棲牀也

通俗文八尺曰牀

案周

易有剝牀牀蓋起於中古

蓋牀本坐臥之具其制有方長之異八

尺者臥具也可以棲宿故謂之棲也至於坐具之牀

僅取容膝形有方者為便移動禮內則云少者執牀

與坐牀既言執明非重器又言與坐非臥具明矣其

編繩者謂之繩牀

案今人編椶施藤為方孔是其遺制

或謂之胡牀

案今

人呼坐具為杌牀非也蓋南人讀胡聲如吳因斯致誤

又謂之筐牀

莊子齊物論篇云與

王同筐牀釋文引司馬彪云筐牀安坐具其櫛長者

牀也崔譔云筐方也一云正牀也或謂之甃字林甃牀屬或作橙正韻丁鄧切晉書王

獻之傳魏時凌雲殿榜末題匠人誤釘不可下使韋

仲將懸橙書之比訖鬢髮盡白是魏晉以來名橙也

後有倚者或謂之椅正韻隱綺切音倚俗呼坐橙爲

椅子是則近代以來始名椅也臥具則牀其通名耳

而方言牀齊魯之間謂之簀郭注牀版也音迮陳楚之間或

謂之第音澤又音姊案爾雅釋器簀謂之第蓋是

其杠北燕朝鮮之間謂之樹自關而西秦晉之間謂

之杠

案今東齊呼杠聲如邦

南楚之間謂之趙

趙當作桃聲之轉也中國亦呼

杠為桃牀皆通語也

案桃

東齊海岱之間謂之梓

當作桃廣雅簣第樹桃杠也

誅其上版衛之北郊趙魏之間謂之牒簡或曰牒屬

案此注未詳牒音

鞭今人亦呼牀牒也牀其櫓長者謂之榻釋名云長

狹而卑曰榻言其榻然近地也後漢書徐穉傳蕃在

郡不接賓客惟徐穉來特設一榻是榻起於漢以來

也

案潛確類書引事物紀原神農作牀席薦褥枕被

說未敢適從凡茲篇所述必

几

說文踞几也

徐鍇曰人所凭坐也

象形周禮五几玉几雕几

彤几纂几素几西京雜記漢制天子玉几冬加綈錦

其上謂之綈几凡公侯皆竹木几冬則細縠爲囊以

馮之玉篇几案也亦作机周易渙九二渙奔其机左

氏昭五年傳設机而不倚是也漢李尤几銘序黃帝

軒轅作几則几起於上古案几有俎形似先有俎而

後爲几方言俎几也西南蜀漢之郊曰杜郭注音賜其櫜

長者謂之程方言榻前几江沔之間曰程今江東呼爲承程音

刑案今俗呼香几蓋因程聲而轉也程又趙魏之音汀今俗呼條几或呼天几並因此聲而轉

閒謂之櫜音几其高者謂之虞即荀虞也音巨案廣雅虞作虞櫜作櫜

斯皆几之異名耳几又謂之卓俗作棹非也楊億談苑咸平景德中主家造檀香倚卓又謂之案說文案几屬徐鍇曰案所凭也周官掌次王大旅上帝則張璠案朝日祀五帝設重帟重案又食器亦謂之案考工記夫人享諸侯案十有二寸注云玉案十有二列也宋曾鞏耳目志孟光舉案同案齊眉俗直謂几案耳呂少衛云桼乃古椀字故舉與眉齊張衡四愁詩何以報之青玉案謂青玉椀也據此則考工記案十有二寸亦作此解爲當愚謂此解非也卽是几案言舉

無妨禮內則云御者舉几卽與舉案無異且今之食案施於牀榻其制狹小局腳而庫舉之無難至於校之與椀古字難通急就篇檣杆盤案杯間椀案椀並稱方言案陳楚宋魏之間謂之檣自關東西謂之案又曰孟河濟之間謂之盞盞字从皿不从木卽知案非是椀矣

方言下句椀謂之盞

鑪

說文方鑪也徐鉉曰今俗別作爐非是

廣韻鑪火牀韻會一

曰火

左氏定三年傳邾莊公廢于鑪炭周官宮人共

鑪炭是鑪蓋起於周也說文作方鑪豈古鑪皆方歟

後世則方圓隨意無定式也惟鍛鐵鑪作方亦有中

施火牀加蓋其上其類甚夥焚香器亦謂之鑪

如金独寶

鼎寶鴨金
鳧之類

晉東宮舊事太子服用則有博山香鑪呂

大臨考古圖鑪象海中博山下有盤貯湯使潤氣蒸

香象海之回環其旁施柄者曰鵲尾陶貞白有金鵲

尾香鑪旁有系者曰提鑪亦曰手鑪採蘭雜志馮小

憐有手鑪曰辟邪足鑪曰鳧藻皆以飾得名其巧者

又有被中香鑪西京雜記長安巧工丁緩作臥褥香

鑪一名被中香鑪爲機環轉運四周而鑪體常平可

置之於被褥故以爲名

案古文苑司馬相如美人賦云金鉦熏香注香毬也蓋卽

臥褥香鑪之類鉦音市

別有熏衣者曰竹火籠亦曰篝說文篝

答也可熏衣宋楚謂竹篝牆以居也方言篝

郭注今薰籠也

陳楚宋魏之間謂之牆居廣雅篝籠也史記陳涉傳

注篝火以籠覆火也

案今之襄鄧閩粵尤多此器

西京雜記漢制

薰籠天子以象牙爲之籠上皆散華文後宮則五色

綾文記事珠光武后陰麗華有金虬屈膝倒鳳銜華

簫局簫局古薰籠也

盧

說文飯器也類篇賣酒區也漢書食貨志令官作

酒以二千五百石為均率開一盧以賣

如淳曰酒家開肆待客設

酒鑪故以鑪名肆臣瓚曰盧酒瓮也言開一瓮酒也

趙廣漢入丞相府破盧食師古曰二說皆非也盧者

賣酒之區也以其一邊高形如鍛家盧故取名耳非

即謂火盧及酒瓮也此言售五十釀為準豈一瓮乎

廣漢所破盧及罌盧亦謂所居罌食之處耳司馬相如傳盡賣車騎買酒

舍迺令文君當盧郭璞曰盧酒盧師古曰賣酒之處累土為盧以居酒瓮四邊隆起其

一面高形如鍛鑪故名盧耳而俗之學亦通作鑪史

者皆謂當盧為對溫酒火盧失其義矣記司馬相如傳作當鑪注韋昭曰鑪酒肆也以土為

墮邊高似鑪案此顏師古注所本又通作鑪晉書阮籍傳作當

鑪或作鑪王戎傳作酒鑪

案盧說文本从盧从田作盧非竊疑其字从

由又是飯器必當象形蓋口底鴻而中要殺如今盃
碗之形也盧既細要故爾雅細要蜂曰蒲盧解頤新
語瓠細要者曰蒲盧蜂細要者亦曰蒲盧是也瓠本
細要壺亦細要故詩斷瓠作斷壺瓠亦作胡盧又
園轉木其中間細謂之鹿盧禮喪大記注以紼繞碑
閒之鹿盧輓棺而下之又爾雅邊要棗注今謂之鹿
盧棗又劍名宋書禮志劍不得鹿盧形注古劍首以
玉作鹿盧謂之鹿盧劍凡此皆象盧之形名盧之義
也

鐙

說文錠也

徐鉉曰錠中置燭故謂之鐙今俗別作燈非是錠鐙也廣韻豆

錠無足曰鐙博古圖漢虹楚辭招魂蘭膏明燭華鐙

錯些王逸注言鐙錠盡雕琢錯西京雜記元夕然九

華鐙于南山上照見百里又曰咸陽宮有青玉五枝

鐙高七尺五寸作蟠螭以口銜鐙鐙然鱗甲皆動炳
若列星案說文豆古食肉器也从口象形爾雅釋器
瓦豆謂之登今之爲鐙蓋象豆形陶瓦所成居然瓦
豆儀禮公食大夫禮實于鐙注瓦豆謂之鐙後漢禮
儀志瓦鐙一是鐙與登古通用亦以其形本同也又
知鐙雖从金古人直以瓦爲之耳禮祭統夫人薦豆
執校執醴授之執鐙注校豆中央直者也鐙豆下跗
也釋文校戶敎反又戶交反柄也鐙音登又丁鄧反
案鐙又丁鄧反廣韻鞍鐙集韻馬鞍具正字通
馬鞍兩旁足所踏也據此則鐙又豆足之名廣韻豆有足曰錠無足曰鐙非也

但鐙本取名實象瓦豆非因豆跗而得名也其鐙心
謂之主說文主鐙中火主也徐鉉曰今俗別作炷非
是玉篇作炷云燈炷也讀曲歌然燈不下炷有油那
得明其鐙臺謂之鐵躋北里志犯令者擊一鐵躋鐵
躋鐙臺也其有架者謂之檠韓愈有短檠歌謂鐙架
也案廣韻釭鐙也謝朓詩但願置樽酒蘭釭當夜明
二者並誤釭是車轂中空者金釭非鐙詩人誤用
廣韻沿之謬矣班固西都賦金釭銜壁是爲列錢漢
書趙皇后傳壁帶往往爲黃金釭注壁帶壁之橫木
露出如帶者也於壁帶之中往往以金爲釭若車釭
之形也晉灼曰以金環飾之也釭音工流俗音釭非
也開元天寶遺事申王以檀木刻
童子執畫燭名曰燭奴卽燈檠也

燭

說文庭燎火燭也案庭燎與燭異周官司烜注

謂墳大也

案後鄭不從先鄭故訓墳燭爲大燭

樹於門外曰大燭於門

內曰庭燎皆所以照眾爲明此則燎也燭也以所在

異名然其實則一耳故燕禮云甸人執大燭于庭是

則庭亦言燭義得兼通故說文云庭燎火燭也

案詩庭燎

箋作大燭此作火燭疑誤

古者燭以麻爲之說文燂然麻蒸也蒸

折麻中榦也字或作蒸

案詩曰以薪以蒸

菹麻蒸也菹與廢

同廢麻黠也楚辭七諫菹茀雜於廢蒸是皆析麻黠

取火爲其易然今之取鐙削麻若糝放古爲之也秋

官司烜氏凡邦之大事共墳燭庭燎注故書墳爲蕢
鄭司農云蕢燭麻燭也卽知古燭用麻矣又歲時雜
記除夕作蕢燭以麻粃濃油如庭燎律有元日油粃
之文今粃盆是也月令通攷除日送舊神焚松柴謂
之粃盆案粃音所臻切粉滓也粃盆豈非蕢燭之遺
歟或用木爲之蓋取松節多脂者析以然火又玉篇
樺木皮可以爲燭說文作檮或作櫨讀若華云木也
以其皮裹松脂是則松脂用樺木皮裹之而然以爲
燭故曰樺燭通作華漢書司馬相如傳師古注華卽

今樺皮貼弓者是也其爲燭或樹於庭或人執之故
司烜注樹於門外曰大燭於門內曰庭燎又庭燎詩
疏庭燎者樹之於庭燎之爲明是燭之大者故云庭
燎大燭也大者旣樹則小者須人執之禮檀弓童子
隅坐而執燭少儀主人執燭抱燭注云未熟曰燭儀
禮燕禮注燭燭也說文燭所以然持火也周禮曰明
火熟燭也案春官華氏掌共燭契注士喪禮曰楚煇
置於燭在龜東楚煇卽契所用灼龜也燭謂炬其存
火疏云言楚煇者謂荆爲楚是則人所執燭或以荆

爲之故司烜疏云若人所執者用荊樵爲之是也至於以松爲者則庭燎詩疏天子庭燎用百古制未得而間要以物百枚並而纏束之今則用松葦竹灌以脂膏也司烜疏庭燎所作依慕容所爲以葦爲中心以布纏之飴蜜灌之若今蠟燭百者或以百根一處設之或百處設之據孔賈所言或灌以脂膏或澆以飴蜜雖與今人作蠟燭無異然其實卽是荳耳說文荳束葦燒徐鉉曰今俗別作炬非是史記田單傳牛尾炬火光明烺燿禮郊特牲庭燎之百由齊桓公始

疏皇氏云作百炬列於庭也或云百炬共一束也

宋書

張暢傳 翮後張邵義恭又進炬
燭十挺疑十挺即十束耳

苴一名燭莊子逍遙遊

日月出矣而燭火不息說文燭苴火祓也呂不韋曰

湯得伊尹燭以燿火燿以犧猋是知燭即苴苴即庭

燎庭燎即燭並以葦竹作束灌以蜜膏如今世火把

之形不與蠟燭同也其蠟燭造法

本艸蠟白蠟李時珍曰蠟樹四時不

彫五月開白華成叢結實其蟲大如蟻延緣樹枝食汁吐涎剥取其渣煉化成蠟又蜜蠟生於蜜中又

水蠟樹葉微似榆及甜楮樹皆可放蟲產蠟

用葦一根纏以棉杖為心融

蠟為液徐徐灌之迨其堅定有似蒲槌之形又有柏

燭

柏音舅烏柏木名本作烏楷唐本艸作烏白陳藏器曰葉可染阜子壓爲油塗頭令白變黑爲燈極

明又名鴉舅唐陸龜蒙野疏詩行歌每依鴉舅影挑頻時見鼠姑心造法與蠟燭同

至若北方市肆灌以羊膏其燭最下然其灌時亦加

蠟皮巧手爲之質旣堅栗又耐久與蠟燭無異焉蠟

燭之制蓋起於六朝晉書石崇傳崇奢靡以蠟代薪

案此卽蠟燭之萌芽南史王僧虔傳少時以燭淚澆成蠟鳳凰

傳名燭銘煌煌丹燭焰焰飛光取則由斯以降燭類

龍景擬象扶桑照彼半夜炳若朝陽實繁杜陽雜編同昌公主有香蠟燭燭長方二寸上

被五色文熱之竟夕不盡郁烈之氣聞於百步煙出

則上成樓閣臺殿之狀或云蠟燭有蜃脂故也丹鉛
餘錄宋官燭香煙成五彩樓閣龍鳳文者疑是蜃脂
所成斯實燭類之異也其本謂之跋曲禮云燭不見
跋注跋本也燭盡則去之嫌若蜃多有厭倦疏云本
把處也古者未有蠟燭唯呼火炬爲燭也火炬照夜
易盡盡則藏所然殘本恆如然未盡也其蜃謂之蜃
弟子職管子篇名禮檀弓夏后氏蜃周注引之曰左手執燭右手折蜃
蜃卽燭頭蜃也檀弓釋文案說文蜃火餘也徐鉉曰今俗別作燼非是又謂之
炮說文炮燭蜃也

炭

說文燒木餘也禮月令艸木黃落乃伐薪爲炭案

炭者性定耐溼入土不腐故古者候氣之法必縣炭也後漢書律歷志權土炭放陰陽日冬至陽氣應則

景長極黃鍾通土炭輕而衡仰日夏至陰氣應則景

短極蕤賓通土炭重而衡低

淮南天文訓水勝故夏至溼火勝故冬至燥

故炭輕溼故炭重梁簡文帝詩月暈蘆灰缺秋還縣炭枯

炭束謂之蕤說文蕤束

炭也从火差省聲讀若齋其輕脆而浮者謂之桴通

作浮陳無已典酒務官託買浮炭是也俗作𦵏本艸

煎藥焙火宜用𦵏炭白居易詩日暮半鑪𦵏炭火其

產地而堅如石者謂之石炭石炭自上世以來有之

古用以書謂之石墨

案太平御覽六百四卷引陸雲與兄機書曰一日上三臺曹公

藏石墨數十萬斤云消此燒復可用然不知兄頗見之不令送二九太公金匱硯之銘

曰石墨相著而黑蓋古未有松煙造墨故以石墨書

也日知錄今人謂石炭爲墨案水經注冰井臺井深

十五丈藏冰及石墨焉石墨可書又然之難盡亦謂

之石炭

詳見水經濁漳水注又澤水注云火山有石炭火之熱同樵炭也

是知石炭

石墨一物也有精粗爾

史記外戚世家竇少君爲其主入山作炭後漢書黨錮傳

夏馥入林慮山中親突煙炭皆此物也

北人凡入聲字皆轉爲平故呼

墨爲煤而俗竟作煤非也玉篇煤𤇑煤也韻會煤𤇑

灰集屋者

案說文𤇑灰𤇑煤也

呂氏春秋顏回對曰嚮者煤𤇑

入甌中棄食不祥回攫而飯之高誘曰煤𤇑煙塵之

煤也素問黑如𤇑者死注𤇑謂𤇑煤也唐張祐詩古

牆丹雘盡深棟墨煤生李商隱詩敵國軍營漂木柿

前朝神廟鑱煙煤

案柿說文削木札樸也後漢書方術楊方傳風吹札柿

溫庭

筠詩煙煤朝奠處風雨夜歸時是煤乃梁上煙煤之

名非石炭也崔銑彰德志作煇志曰安陽縣龍山出

石炭入穴取之無窮取深數百丈必先見水水盡然

後炭可取也炭有數品其堅者謂之石輒者謂之煇

氣愈臭者然之愈難盡水可以煎礬終不若晉絳者

云

玉篇廣韻並無煇字

案崔志作煇亦非也集韻煇許亥切音

海燥也諸字書亦無以煇爲石炭者此與煤字皆俗

作也石炭今所在多有其穴中皆出水至於氣臭惡

者必不可然然之熏人致死惟飲冷水或萊菔汁可

活耳前人少有識此者獨史籍一二見而已

案蘇長公集有

石炭

後漢書郡國志豫章郡建城下引豫章記曰縣

有葛鄉有石炭二頃可然以爨案石炭大塊椎破卽

可燒亦有擣碎燒者徐陵春情詩奇香分細霧石炭

擣輕紈

案潛確類書載此詩作張正見注云石炭發香煤也蓋擣石炭爲末以輕紈篩之欲其細

也歸田錄清泉香餅人以一篋貽歐公清泉地名香

餅石炭也用以焚香一餅之火可終日不滅案今之

石炭亦可爲餅燒之或加黃土和焉

案水經河水注引釋氏西域記

曰屈茨山北二百里有山夜則火先晝日但烟人取此山石炭冶此山鐵恆充三十六國用木艸李

時珍曰石炭卽烏金石拾遺記言焦石如炭嶺表錄言康州有焦石穴卽此也孝經援神契曰王者德至

山陵則出墨丹水經言石炭可書然之難盡煙氣中人酉陽雜俎無勞縣出石墨爨之彌年不消夷堅志

彰德南郭邨井中產石墨宜陽縣有石墨山沂陽縣有石墨洞燕之西山楚之荊州興國州江西之廬山

袁州豐城贛州皆產石炭可以炊爨並此石也土人皆鑿山爲穴橫入十餘丈取之有大塊如石而光者有疎散如炭末者俱作硫黃氣以酒噴之則解昔人言夷陵黑土爲劫灰者卽此疎散者也

壺 說文昆吾圓器也象形从大象其蓋也徐鍇曰昆

吾桀臣作瓦器案此則壺起於昆吾以瓦作之又本

圓器至乎周時乃有方圓之異儀禮燕禮兩方壺兩

圓壺卿大夫用方直方爲義也士族食用圓順命爲

宜也古者壺尊異用而周官司尊彝其朝獻用兩著

尊 注云著尊者著略尊也案詩人多言鑿落韓愈

聯句酤顏傾鑿落白居易詩銀合鑿落蓋姜夔詩剪燭屢呼金鑿落又白居易詞銀不落從君勸又北史祖瑒盜神武金叵羅李白詩葡萄酒金叵羅疑著

略轉爲鑿落又轉爲其饋獻用兩壺尊注云壺者以不落又轉爲叵羅也

壺爲尊春秋傳曰尊以魯壺昭十五年案歸藏曰尊于兩

壺兩兼是皆以壺爲尊也六尊爲衛說鈴載天祿識餘衛尊酒器也

六尊爲衛壺象瓠形其字亦通詩豳風八月斷壺鵬冠子

學問篇一壺千金是皆以瓠爲壺也壺蘆瓜屬俗作葫其瓦

作者謂之經程韓詩外傳齊桓公置酒後者飲一經

程侯鯖錄陶人爲器有酒經焉以盛酒似瓦壺之製

小頸環口修腹受一斗晉安人餉人以酒書云酒一

經或二經至五經他境人不達其義聞五經至束帶

迎於門乃知是酒五餅爲五經也

案古之酒餅卽如今之酒海上有蓋

其皮革作者謂之鴟夷揚雄酒箴自用如此不如鴟

夷

師古曰鴟夷革囊以盛酒卽今鴟夷勝也

案史記伍子胥傳咸以鴟夷革注云取馬革爲榼形也

鴟夷滑稽腹如大壺

師古曰滑稽音骨稽音雞窮之狀滑稽音骨稽音雞

無鴟夷

蓋卽今之皮榼也以爲行壺馬上提挈常令酒煖滑

稽蓋其口出酒圓轉之聲也

案今俗讀滑稽譌爲滑稽

木作者謂

之榼說文棬圓榼也榼酒器也徐鍇曰榼之爲言盍

也盍本作盍覆也左氏成十六年傳行人執榼承飲

造於子重蓋亦馬上可提挈之器故軍中以攝飲焉

淮南汜論訓雷水足以溢壺榼而江河不能實漏卮

壺榼並稱是知榼亦壺類也壺又謂之鍾說文鍾酒

器也孔叢子儒服篇堯舜千鍾孔子百觚子路嗑嗑

尚飲百榼正字通鍾壺屬漢大官銅鍾卽壺也

俗謂酒卮

爲鍾晉書崔洪傳洪性儉屏遠珠玉汝南王亮以琉璃鍾行酒洪不執壺其旁有系者

謂之偏提拾遺記唐元和間酌酒用注子其形若營

而蓋背柄具太和後仇士良惡其名同鄭注乃去柄

安系若瓶而小名曰偏提

營鬯同長頸瓶

案此卽今之酒注

子也一旁安系故曰偏提亦有中間安系者

言鯖云卽今酒

觥

瓶

說文酒器蓋餅類也

集韻畜瓶瓶也一曰威酒器古以借書韻會大者一

石小者

五斗聞見錄俗語借書與人爲一癡還書爲一癡

嘗疑借書還書理也何癡之云後見王樂道與錢穆

四書云出師頌最絕妙古語借書一紙還書一紙乃

知今人譌以瓶爲癡也通作鴟黃庭堅詩時送一鴟

開鎖眉

案作鴟者似取鴟夷之義

盃

說文小孟也鴟小孟也徐鉉曰今俗別作碗非是

案集韻或作碗

案考工記有虞氏上陶殷人上梓太古之盃

蓋以瓦為故字从瓦後世彌文易之以木今世尚有
 木盃是也且碗之為字亦非俗作方言二文盃碗並
 存即知古來造盃瓦木兼施矣案玉篇碗小孟也世
 說晉王導舉琉璃碗曰此碗腹空何謂寶器北史盧
 叔彪傳魏收訪盧叔彪食但有粟食葵菜木碗咸之
 方言五卷云孟郭注音于宋楚魏之間或謂之盃鳥管反盃
 謂之孟或謂之鈔銳音謠盃謂之權孟謂之柯轉相釋者廣異
 語也案荀子正論篇故魯人以糖衛人用柯齊人
 用一革楊倞注云未詳或曰方言盃謂之糖孟謂之
 柯今方言無糖字廣雅盃作海岱東齊北燕之間或
 碗亦有權無糖或所見本異海岱東齊北燕之間或

謂之盞

音卷案玉篇作盞

是盃名權柯其字从木疑卽以木

爲之也十三卷云孟謂之櫬

子殄反

河濟之間謂之盞

盞

案安殘二音郭注偶闕

椀謂之盞孟謂之鈹銳

謠音

案此句疑衍文

木謂之椀

椀亦孟屬江東名孟爲凱亦曰甌也

是以木作盃名

曰椀也木盃之制非始於後世明矣又方言孟或

謂之盞案盞與盞椀並通玉篇椀屈木孟也孟子書

猶以杞柳爲椀椀又說文孟飯器也

案新附字云盞器孟屬从皿

聲或从金从本程大昌演繁露孟食器若盞而大今之所謂盞孟也唐韻同鉢六書正譌別作鉢非亦

通作杆公羊宣十二年傳杆不穿皮不蠹則不出於

四方何休注杆飲水器是皆以木作者也盞亦孟也
今之盞狀如盆常用者以瓦作之其文者乃以瓷作
之矣盞常用者以瓷作之其質者乃以瓦作之耳

東方朔傳置守宮孟下師古曰孟食器也若盞而大今之所謂盞孟也

然自漢以來奢

靡相競有以玉作者南史沈炯傳茂陵玉盞遂出人
間或以銀作者吳志甘甯傳孫權特賜米酒眾殺甯
先以銀盞酌酒自飲兩盞是也又說文甌小盆也方
言其小者謂之升甌正韻今俗謂盞深者爲甌案此
亦非始於今俗也郭璞方言注江東名孟爲凱亦曰

甌是則名盃爲甌已見於東晉時矣亦有金作之者
唐書崔琳傳初明皇每命相皆先書其名一日書琳
等名案上會太子入覆以金甌則此豈非銀盃之儔

乎今俗呼茗盃爲茶釳蓋卽茶甌耳

案釳音寇

唐小說有

茶甌聽

因話錄察院諸聽兵察常主院中茶茶必市蜀之佳者貯於陶器以防暑溼御史躬自緘

啓故謂之茶甌聽

本是陶器今則沿其名爲茶盃矣盃其象

兜鍪者曰盃

案俗呼首鎧曰盃

玉篇盃鉢也蓋是盃孟之屬

今之賓筵用薦羹餼或列爲五故俗號五盃盃云其
作盃之模曰脫唐書武后引見存撫使所舉人無問

賢愚悉皆擢用時人爲之語曰補闕連車載拾遺平

斗量權椎

當作推

侍御史盃脫

或作脫腕譌

校書郎

舊注齊魯謂四

齒杷爲權脫盃之形模言箇箇相似也蘇軾詩盃脫本無模匱藏終自集

栝

說文匱也籀文作匱匱小栝也或作檣

案栝省作栝俗作盃

蓋以木作飲酒器也方言盃

郭注音雅

械

封蓋酒盃

間

呼雅反

盃

又章反

盃

音栝

也秦晉之郊謂之盃

所謂伯盃者也

案盃通作雅東觀漢記今日歲首請上雅壽注雅酒

間也別作盃典論劉表有酒器三大曰伯雅受七升

次仲雅受五升次季雅受三升于志甯詩俱裁七步

詠共傾三雅杯案能飲此酒不醉故曰雅量本此

自關而東趙魏之間曰械或曰盃

最小杯也案說文本作醴重文作

蓋顏氏家訓書證篇吳人呼盞為竹筩反故木傍作展以代盞字或曰盞其大者謂

之間吳越之間曰盞齊右平原以東或謂之盞栝其

通語也案孔穎達曰周禮有玉敦今之杯孟也禮玉

藻母沒而杯圈不能飲焉口澤之氣存焉爾注云圈

屈木所為謂卮區之屬案圈栝通漢書朱博傳案上不過

三栝梁簡文集車渠屢酌鸚鵡驟傾舊注車渠鸚鵡皆謂酒杯俗傳

車渠為杯注酒滿過一分不溢案博雅碑碑石次

玉通作車渠中記車渠出天竺國南州異物志鸚鵡

鵝螺狀如覆杯頭如鳥頭向栝其以瓠作者謂之盞

其腹視似鸚鵡故以為名

方言盞

瓠勺也音麗案盞蠡同

陳楚宋魏之間或謂之簞或謂

之機

今江東通呼勺為機音義

案機或作楹通作

獻師

古音機斗魁及杓末如勺之形說文杓料柄也

徐鉉

曰今俗以為杓杓之杓所以抒挹也史記項羽

傳沛公

不勝杓杓市若切同勺是則謂之或謂之

檝者

檝杓也謂開瓠之長柄者為杓以飲也

瓢

案楚辭九歎咆嘯蠹於筐篚王逸注咆瓠也梁陸

倕蠡杯銘用過羽杯珍愈渠盃實同蠡測形均撲滿

以金作者謂之金叵羅北齊書祖珽傳神武宴僚屬

於坐失金叵羅寶太后令飲酒者皆脫帽於珽髻上

得之其威栝之器謂之客說文栝客也方言作栝落

威栝器

陳楚宋衛之間謂之栝落又謂之豆筥自關

東西謂之栝落

案廣雅作豆筥栝落也筥與筥落與

栝落並古字通用落廣雅云居也栝落

所以凡飲酒不盡而得罰者謂之白白蓋罰爵也說

苑魏文侯與大夫飲使公乘不仁爲觴政曰飲不酌

者浮以大白於是公乘不仁舉白浮君也班固漢書

敘傳及趙李諸侍中皆引滿舉白

服虔曰舉滿栢有餘白漑者罰之也

孟康曰舉白見驗飲酒盡不也師古曰謂引取滿觴而飲飲訖舉觴告白盡不也一說白者罰爵之名也

飲有不盡者則以此爵罰之

槃

說文承槃也古文作盤籀文作盤

櫪槃也方言承槃曰櫪

案

承槃漢制也周官司尊彝皆有舟鄭司農云舟尊下

臺若今時承槃疏云漢時酒尊下槃象周時尊下有

舟故舉以爲況是則承槃漢時所制也今代酒盞下
槃無象舟者而茗盃下作承槃有頗類舟形者疑古
槃遺象如此也其浴器亦曰槃禮內則少者奉槃長
者奉水請沃盥喪大記沐以瓦盤大學湯之盤銘皆
沐浴之槃也而食器用盤乃始於春秋之世周官掌
舍若合諸侯則共珠槃玉敦注云古者以槃盛皿以
敦盛食是知古之槃猶未以盛食也惟左氏僖二十
三年傳乃饋盤飧置璧焉史記滑稽傳杯盤狼藉呂
氏春秋功名著於盤盂此盛食用盤之始今則開筵

招客珍羞滿案無非列盤兼論名數資色銅聲窮極
華妙是亦世奢示儉之秋也槃又通作杅墨子帝堯

篇書名竹帛琢戒杅杅杜甫十月一日詩焦餠幸一

杅

字典杅宋曰托
子今日托盤

其形制小而以薦殺核者謂之疊

北齊書祖斑傳遂藏銅疊二面廚人請搜諸客果於
斑懷中得之是也案俗作杅尉遲樞南楚新聞薛
昭緯詩一杅瓊羹數十根破盤中更有紅鱗段成式
異疾志載和州劉錄事食餽數杅又云置茶甌中以
杅覆其有足者謂之槃音韻書槃子疊名類篇有足

所以凡物卽隔子也漢書地理志朝鮮其田民飲食

以籩豆

師古曰以竹曰籩以
木曰豆若今之槃也

都邑頗放效吏及內郡

賈人往往以杯器食

師古曰都邑之人頗用杯器者效吏及賈人也案杯器食者

史記項羽傳一杯羹師古曰今之側杯有兩耳者是也

案師古注是唐時食器

下猶有檠子今不復見獨冬時宴客火盃下有銅錫器如鼓架者以度盃似食器用檠之制也其疊子有木爲者平面如臺檠無足亦可盛食並堪度器

箸

說文飯𪔐也匕相與比敘也从反人匕亦所以用

比取飯一名𪔐禮有𪔐𪔐匕也易震卦不喪匕鬯詩小雅有捋棘匕三國志劉先主傳先主方食失匕箸又匕首通俗文劒屬其頭類匕短而使用故曰匕首

劉向說苑尺八短劍頭似匕是也

案匕通作𠂔儀禮士喪禮乃𠂔載又

通作𠂔禮雜記注喪祭用桑吉祭用棘所以出牲體而載之俎者是也

匕謂之匙

方言郭注

音祇說文匙匕也玉篇匕匙也案古匕蓋以寸木爲之

故本艸劑藥用方寸匕而禮經飯黍亦舍箸用匕蔡

襄茶錄茶匙要擊拂有力是也今人呼小勺長柄者

爲匙其省取羹者爲羹匙古謂之羹魁說文匱似羹

魁柄中有道可以注水是也匕圓長如蘆管者謂之

箸

案嶺表錄南海岸邊沙中生沙箸一名越王竹相傳越王棄餘算而生若細荻高尺餘春吐苗箕心

若骨青而且勁南海人愛其色以爲酒籌凡欲採禮者須輕步向前拔之間行聲遽縮入沙中不可得

曲禮飯黍毋以箸疏云飯黍無用箸當用匕少牢云廩人漑匕與敦注云匕所以匕黍稷也漢書張良傳臣請借前箸以籌之則知古人籌畫用箸也周勃傳召條侯食獨置大馘無切肉又不置箸

案史記作箸

史記

注箸卽筯也蓋筯與箸同廣東新語蛋人謂筯曰梯案蛋人卽蛋戶也字當作蜃筯又蟲名神異經南海有水蟲名曰筯蚌蛤之類也其小蟹大如榆莢筯開甲食則蟹亦出食筯合甲蟹亦還入爲筯取食以終始生死不相離案筯卽鮓鱗腹蟹之類也案箸蓋興於中古韓非曰紂爲象箸而箕子惴似紂以前便已有箸紂特用象齒爲之箕子所以歎也箸謂之

挾又謂之挾提禮曲禮羹之有菜者用挾其無菜者

不用挾注云挾猶箸也今人或謂箸爲挾提是則挾

提漢時箸名也

案亦謂之提漢書食貨志朱提銀注北方人名匕曰提提音時案地理

志健爲郡朱提下蘇林曰朱音銖提音時北方人名匕曰匙

又謂之畱犁漢書匈奴傳單于以徑路刀金畱犁撓酒應劭曰徑路匈奴

寶刀也金契金也畱犁飯匕也撓和也契金箸酒中

撓攪飲之師古曰契刻撓攪也所以盛箸者今謂之籠案東齊語也

古謂之筯方言箸筯

郭注盛杜箸簀也

陳楚宋魏之間謂之

筯

案說文作筯陳畱謂飯帚曰筯一

或謂之

筯

鞭鞫案說文作筯陳畱謂飯帚曰筯一曰宋魏謂箸筯爲筯

或謂之

籩

漢書曰遺子黃金滿籩音盈也

案漢書韋賢傳

注如淳曰籩受三四斗今陳畱俗有此器師古曰

說文籩答也

自關而西謂之桶櫬

今俗亦通呼小籠為桶櫬音籠冠櫬

蘇勇反

又謂之贊急就篇櫛

顏注

櫛櫛

案博雅櫛櫛謂之櫛櫛

匕箸簪顏師古注簪盛匕箸之籠一名筴廣雅簪箸

箱也

杷

說文收麥器方言杷

郭注無齒為杷案杷當作捌

宋魏之間謂

之渠挈

今江東名亦然諸案玉篇作渠挈渠字之訛

或謂之渠疏

語轉

耳戰國策秦頓弱曰商人無杷鉋柱耨之勢而有積

粟之實急就篇種樹收斂賦稅租穰

顏本作耨穫秉把插

案字當作雷捌杷顏注無齒爲捌有齒爲杷皆所以推引

聚禾穀也陸龜蒙耒耜經耕而後有爬

舊注去聲案爬杷通韓

愈進學解爬羅剔抉又月蝕詩爬沙腳手鈍

渠疏之義也散塹去芟者焉

爬而後有礪

乎格案礪亦音歷

焉有礪礪

音鹿毒案正字通石韞

也平田器亦作礪礪通作碌礪

焉自爬至礪礪皆有齒礪礪觚棱而

已咸以木爲之堅而重者良案今礪礪則以石爲之

而杷猶以木爲之或以竹又或以鐵其四齒者謂之

櫟釋名齊魯謂四齒杷曰櫟其兩齒者謂之耒又說

文耒又可以劃麥河內用之是也今謂之又故東齊

農諺曰又捌掃帚其無齒捌今謂之木杅

玉篇杅
欽屬

銛

說文受錢器也古以瓦今以竹案以瓦者今俗曰

悶胡盧以竹者市肆曰錢筭矣漢書趙廣漢傳教吏

爲銛筭蘇林曰銛音項如餅可受投書孟康曰筭竹

筭也如今官受密事筭也師古曰銛若今盛錢臧餅

爲小孔可入而不可出或銛或筭皆爲此制而用受

書令投於其中也案銛筭本皆盛錢之器廣漢欲開

人告密故令此器投書爾銛又從金作銛義縱傳投

銛購告言姦

注銛所以
受投書也

案作銛非也傳寫誤爾銛謂

之撲滿鄒長倩遺公孫宏書撲滿者以土爲器以蓄
錢貝其有入竅而無出竅滿則撲之土粗物也錢重
貨也入而不出積而不散故撲之士有聚歛而不能
散者將有撲滿之敗可不誠歟故贈君撲滿一枚是
則鋸蓋古人誠器也

犁 說文耕也耕犁也玉篇犁耕具也廣韻墾田器山

海經曰后稷之孫叔均所作

案山海經稷之孫曰叔均是始作牛耕魏

略曰皇甫隆爲燉煌太守教民作樓犁

案樓疑樓字之譌說見下

管子乘馬篇丈夫二犁童五尺一犁

案古者一人耕二犁爲一耦宋

淳化五年武允成獻踏犁一具不用牛以人力運案

犁其狀未聞案古者犁謂之耜說文耜耜也一曰徒土耜

齊人語也徐鉉曰今俗作耜或曰耜方言耜燕之東北朝鮮

洌水之閒謂之耜郭注湯料反此亦耜聲轉也案

是耜耜即宋魏之閒謂之耜案耜說文作耜云或謂

同耜耜江淮南楚之閒謂之耜案釋名耜插地起土

之耜耜音沅湘之閒謂之耜趙魏之閒謂之耜字亦作耜

板曰案今東齊謂之耜音駭江東又呼耜其耜頭金古

者以木易繫辭傳斲木為耜是也後世以鐵孟子書

以鐵耕是也古謂之耜說文耜耒耑也或作鉛籀文

作𦣻或謂之錢

即淺切

又謂之鉋說文錢鉋也古田器

詩曰庠乃錢鋪

詩傳鋪鋪也釋名鉋類也

亦謂之鑿說文鑿河內

謂甬頭金也郭璞方言注江東又呼鑿刃爲鑿也或

謂之銳說文銳甬屬

案漢書揚雄傳注買銳鵠鵠別名春中鳴則農事興故名買銳

又名布穀蓋間其聲則思買銳甬以布穀也

後世謂之鑿

說文鑿銳也

廣韻鑿

吳人云犁鐵杜甫寓同谷縣歌長鑿長鑿白木柄我

生託子以爲命說文瑁諸侯執圭朝天子天子執玉

以冒之似犁冠徐鍇曰犁冠卽犁鑿也今字書作犁

鎡音義同爾雅釋樂疏鎡田器也自江而南呼犁刀
爲鎡案今東齊呼耜下鐵葉爲犁犁下鐵刺土者爲
鐵與徐鍤邢昺所見異也犁其大者謂之鈐鍤說文
鈐鍤大犁也一曰類耜古者耜廣五寸周官匠人爲
溝洫耜廣五寸二耜爲耦一耦之伐廣尺深尺謂之
畎注云古者耜一金兩人並發之其壟中曰畎畎上
畎曰伐伐之言發也畎畎也今之耜岐頭兩金象古
之耦也疏云耜謂耒頭金金廣五寸耒面謂之庇庇
亦當廣五寸云二耜爲耦者二人各執一耜也云今
之耜岐頭者至後漢用牛耕種故有岐頭兩腳耜今
時猶然也但以牛種用二耜則畎下布種與古異也
今則犁鎡皆廣一尺也犁上曲木謂之耒說文耒手

耕曲木也从木推幸古者垂作耒耜以振民也

案說文蓋

據世本古史考神農作耒易繫辭傳揉木爲耒

急就篇疆畔囿耒犁鉏耒

下曲木謂之庇庇受鑿者也考工記車人爲耒庇長

尺有一寸中直者三尺有三寸上句者二尺有二寸

鄭司農云耒謂耕耒庇讀爲其類有疵之疵謂耒下

岐平謂庇讀爲棘刺之刺刺耒下前曲接耜疏云庇

者耒之面但耒狀若今之曲杖柄也面長尺有一寸

云中直者謂手執處爲句故謂庇上句下爲中直者

三尺有三寸也句者謂人手執之處二尺有二寸也

云刺耒下前曲接耜者耜謂耒頭金故云下前曲接

也

耜 類篇必駕切犁屬農政全書耜制有方耜有八

字耙如犁亦用牛駕但橫闊多齒犁後用之蓋犁以
起土惟深爲功耙以破塊惟細爲功耙之後又用鈔
用耨俗作耨案廣韻鈔重耕田也農政全書鈔如耙
其齒更長所以鈔土益細集韻耨郎到
切摩
田器

耨 玉篇犁也正字通下種具一曰耨車狀如三足
犁中置耨斗藏種以牛駕之一人執耨且行且搖種
乃隨下崔寔云漢趙過教民耕殖其法三犁共一牛
一人將之下種挽耨皆取備焉日種一頃此即耨車
也見齊民要術集韻耕畦
謂之耨案今俗亦名此爲耨也播

種謂之耨謨官切博雅耨種也以灰種謂之耨積博雅

耨積種也廣韻奄于業切積音曠灰中種也以器摩田謂之耨說文

耨摩田器論語曰耨而不輟注耨覆種也俗作耨非是案徐鍇

曰摩田器布種後以此器摩之使土開發處復合覆

種也案淮南汜論訓民勞而利薄後世為之耨耨案注云耨極塊推也三輔謂之耨所以覆種也

所以去艸謂之鉏說文鉏立耨所用也耨耨器也或

作耨俗作耨耨除苗間穢也或作耨俗作耨又謂之耨詩

周頌傳耨耨也是則耨亦鉏也案說文耨田器詩曰耨乃錢耨釋名耨鉏

也類刈器謂之鎌鎌廉也本釋名或作鎌又謂之刈鉤或謂之

銘

音錙 音果 見方音

擊禾器謂之枷枷梯也

本說文

又謂之

攝父或謂之度

見方言郭注今江東呼打為度音量度也

檐

機石也說文檐建大木置石其上發以機以追敵

也

惠棟曰追古文機見左傳補注

春秋傳曰檐動而鼓詩曰其檐如

林案後世用礮始於此古謂之石

左傳補注引賈逵曰檐發石一曰飛

石

左氏成二年傳齊高固入晉師桀石以投人杜注

桀擔也非也說文桀磔也蓋謂磔裂其石發以投人

訓為負擔失其義矣漢書甘延壽傳投石絕等倫張

晏曰范蠡兵法飛石重十二斤

案潘岳閒居賦注為作飛石重十二斤

機發行二百步延壽有力能以手投之魏略曰諸葛
亮起衝車郝昭以繩連石磨壓之衝車折是漢魏以
來仍名爲石不謂之礮惟文選潘岳閒居賦云礮石
雷駭注云礮石今之拋石也皆匹孝切蓋礮始見於
此亦謂之蘭石鼂錯傳具蘭石服虔曰蘭石可投入
石也如淳曰蘭石城上雷石也唐書李密傳以機發
石爲攻城具號將軍爲礮通作拋後漢書袁紹傳曹
操發石車擊袁紹軍中呼霹靂車注云卽今拋車又
通作奔韓愈征蜀聯句投奔鬧碯礮注云奔聲如石

崩也蓋古字書無礮故拋斨假借通用而礮字獨見

於文選唐書

案俗作礮集韻作礮並非是

今之用礮變爲火器銅

鐵爲身藥鉛爲子施火放之其機神速倍於投石者

也大者或載以車寵以將軍之號其小者施藥子以

人手舉放

案今世謂之烏鎗

皆火器也爆竹亦其類

案爆竹古以竹

節燒之今卷紙爲筒實藥其中以火施放其響旬旬

至於除夕萬戶雷鳴矣故蘇轍除日詩念同去鄉里

此節已三失楚人重歲時爆竹

鳴礮礮音蓋卽今之爆竹歟

鑊

說文鑊斗也周官鬱人注以煮之鑊中停于祭前

漢書李廣傳不擊刀斗自衛孟康曰刀斗以銅作鑊

受一斗晝炊飯食夜擊持行故名曰刀斗今在滎陽

庫中也

案刀俗作刁今姓蘇林曰形如鉞無緣師古有刁者古無此字

蘇林曰形如鉞無緣師古

曰溫器也

鉞音火反

卽鉞也今俗或呼銅鉞

音姚

案說文

鉞小盆也

一曰無足

鉞溫器也此則鑊器之形如小盆

而無緣以銅爲之其用於軍中謂之刀斗晝炊夜擊

案博古圖漢熊足鑊斗有流有柄三足龍首鑊斗有耳有柄有流皆銅爲之然與軍中鑊斗異也後

世軍營擊銅鑊豈有因於古歟古字無鑊自後魏宣

武以後有銅鉞沙羅沙羅卽鈔鑊蓋鑊始見於此廣

韻鈔鑊器也六書故今之金聲用於軍旅者亦以爲

盥盆

正字通築銅爲之形如盆大者聲揚小者聲殺樂書有銅鑼

是則軍中用鑼

蓋起於宋以後也正字通宋志駕前皆捧廝鑼元志作水罐鑿鑼南宋市肆記亦言酒器沙鑼蓋水盆以金銀爲之如今之銅面盆沙廝鑿皆鈔音相近一說鈔譌作廝鑿今馬上急遞所擊者似鑼而小俗呼篩鑼卽鈔鑼也

鈹 玉篇鈴也集韻鈴屬案古字無鈹蓋起於鐃說

文鐃小鉦也

軍法卒長執鐃

鉦鐃也似鈴柄中上下通周官

封人注鐃如鈴無舌有柄執而鳴之以止擊鼓是也

至漢尙有鐃歌迨後魏而有銅鈸矣韻會樂書銅鈸
南齊穆士素所造其圓數寸大者出於扶南高昌疎
勒之國其圓數尺隱起如浮漚以韋貫之相擊以和
樂唐燕樂法曲有銅鈸相和之樂正字通亦謂之銅
盤司馬承禎製平真道曲大羅天曲有鐃鈸蓋其小
者今亦用之以節樂或謂之艸子或謂之鋪鈸

箎 說文吹鞭也晉書先蠶儀注車駕住吹小箎發吹
大箎箎卽笳也應劭函簿圖有騎執箎其始以笳管
後皆以銅作器其聲如觥栗史記樂書胡笳似觥栗

而無孔後世鹵簿用之伯陽避入西戎所作卷蘆葉

吹之也

韻會小補大胡笳十八拍號沈家聲小胡笳十九拍號祝家聲夏侯湛笳賦南閭兮拊掌

北園兮鳴笳鳴笳兮協節分唱兮相和

案笳通作箎北堂書鈔箎亦作

笳宋書樂志一箎李伯陽入西戎所造卽箠也又通

作葭晉有鳴葭其字本作葭後乃作箎耳始以蘆若

竹爲之自唐以後乃以銅造焉通雅唐之銅角卽其

遺也仗有大鼓長鳴長鳴今之號笛也口圓而長如

竹笛一尺五寸又有小柄空管從笛中抽出吹之案

此卽今之喇叭也叭讀若霸戚繼光新書號令篇有

喇叭軍中吹器俗名號笛也今之有以角爲者亦起於唐樂府雜錄鼓吹部卽有鹵簿鉦鼓及角樂用弣鼓笳簫又卽用哀笳以羊角爲管蘆爲頭也至乎今世但有吹角不用蘆頭異於唐焉其聲悲哀故曰哀笳然鼓角亦施於軍中爲宜矣箛者箛之小者也

箛音蕉

吹之以勸役急就篇箛箛起居課後先案箛廣

韻又音梢竹簫洛陽亭長所吹也今則兒童皆喜吹之其管或蘆若竹若土器吹之皆有聲若乃衢巷游童盡能觥栗卷蘆爲管貫以沙壺之口其聲悲烈抗

激清越過於邊笳樂府雜錄簪簞大龜茲國樂也亦
曰悲栗篇海以竹爲管以蘆爲首狀類胡笳而九竅
所法者角音而已其聲悲簞一名悲簞一名笳管簞
亦作栗案今世所作直爲笳形但有一竅其以銅爲
笳乃有數竅與篇海異也說文簪羌人所吹角屑簪
以驚馬也是則羌人吹角其聲屑簪今以蘆管寫之
謂之簪栗其云吹以驚馬蓋亦軍中所用矣

簪

說文扇也或作簪世本武王始作簪

帝王世紀武王出遊見喝

人擁而扇之

案宋書符瑞志帝堯時廚中自生肉其薄如簪搖動則風生食物寒而不臭名曰簪脯據

此扇已起於堯矣古今注舜廣開視聽求賢人自輔作五明

扇此箒之始也方言扇自關而東謂之箒郭注今江東亦通名

扇爲箒音箋自關而西謂之扇古之造扇蓋屈竹爲匡裂

紈爲面其形正圓謂之團扇宋人四六云綈袍贈范叔猶有故人之情紈扇

遺買臣終致上客之引朱買臣爲會稽太守懷綬

匿迹人未知也所交錢勃見其暴露乃勞之曰得無

罷乎遺以紈扇買漢班姬所歌是其遺象而張敞傳

臣至郡引爲上客便面拊馬亦其類也師古曰便面所以障面蓋扇之類也不欲見人以此自障面則

得其便故曰便面亦曰屏面今之沙門所持竹扇上

表平而下圓卽古之便面也案今朝鮮官吏騎馬

自以團扇障羽扇者鶴鷺之羽編次所成取其清涼

面蓋其遺象

蓋起於翣

說文翣棺羽飾也天子八諸侯六大夫四

如翣與疏云鄭注喪大記云漢禮翣以木爲筐廣三尺高二尺四寸方兩角高衣以白布畫雲氣柄長五尺云如翣與者翣如漢時之扇

儀禮既夕禮燕器杖笠翣注云翣扇也

案禮明堂位周之璧翣似

非卽扇見本注蓋翣與筴同左氏襄二十五年傳四翣疏引

方言自關而東謂扇爲翣是則筴通作翣也其枿櫚

葉作者曰蒲葵玉篇櫚一名蒲葵

晉書謝安有盛名鄉人有罷中

宿縣者還詣安安問其歸資答曰嶺南凋敝唯有五萬蒲葵扇又以非時爲滯貨安乃取其中者捉之於是京師士庶競慕而執焉價增數倍注云蒲葵櫚也今之此扇賈販尤多亦

有編蒲爲者卽名蒲扇此皆象古團扇之形矣又有

障扇者古今注障扇長柄扇也漢世多豪俠象雉尾

而製長扇也

案杜甫詩雲移雉尾開宮扇

方麈者北齊書楊愔傳

以方麈障面

北齊書楊愔傳有選人魯漫漢自言猥賤獨不見識愔曰卿前在元子思坊騎

秃尾草

經見我不下以方麈障面我何不識卿漫

漢驚服

案說文曲蠶薄也漢書周勃傳織薄曲爲

業方言薄謂之曲或謂之麈是此書麈字所本其云方麈障面蓋竹織方扇耳

取屏障爲義

卽便面之倫也摺疊扇者以紙爲之陳仁錫潛確類

書云古時唯有團扇觀前人題詠及圖畫中可見摺

疊扇始於國朝永樂中因朝鮮進上喜其卷舒之便

命工如式爲之亦謂之撒扇蓋收則摺疊用則撒舒

也

案摺疊扇一名聚頭扇一名聚骨扇金劉祁歸潛志有章宗聚骨扇詞則中國之摺疊扇不始於明

初也

燕脂

口脂也釋名云脣脂以丹作之象脣赤也

案今人以

丹和脂作之點脣者與燕脂別一物

又曰脂砥也著面柔滑如砥石也

正字通燕脂以紅藍華汁凝脂爲之燕國所出後人

用爲口脂

二儀寶錄燕脂起自紂競事妝脣婦女以此分妍

唐傳昭時都下否其點注之工

名字差繁其略有燕脂暈品石橘嬌大紅春小紅春之類

案燕支山名非燕國也

徐陵玉臺新詠敘南都石黛最發雙娥北地燕支偏

開兩臉習鑿齒與燕王書曰山下有紅藍足下先知
不北方人採取其華染緋黃按取其上英鮮者作烟
支婦人採將用爲顏色吾少時再三過見烟支今日
始見紅藍後當足致其種匈奴名妻作閼氏今可音
烟支

漢書匈奴傳後有愛閼氏生少子師古曰閼氏匈奴皇后號也

想足下先亦不

作此讀漢書也古今注燕支中國人謂之紅藍案今
中土名曰紅華卽此物乃知北地就名燕支也又段
公路北戶錄山華燕脂山華叢生端州山崦閒多有
之其葉類藍其華似蓼正月開華土人取含苞者賣

之用爲燕脂粉或時染帛其紅不下紅藍是則南土

又一燕脂也或作煙赭類篇煙赭婦人面飾也

正韻作胭

脂或作燕脂並非

妝樓記斜紅繞臉蓋古妝也梁簡文帝詩

分妝閒淺靨繞臉傅斜紅其注於額上謂之的楊慎

曰的音灼婦人以點飾額也史記五宗世家程姬有

所避注云的以丹注面婦人有月事妨於進御難於

自言故點的以見

說文引漢律見婢變不得侍祠婢婦人汚也

案的通作

勻釋名以丹注面曰勻勻灼也謂有月事者注面灼

然爲識是勻與的同也王粲神女賦施華的兮結羽

儀

案的說文作的明也从日勻聲是當音灼今音丁歷切而又書作的聲義並失說文亦無的字音學

五書的字在入聲則當入藥音都略切轉去聲則當入嘯音都料切後人誤音爲滴轉上聲爲底又

於額閒塗黃曰黃額唐詩學畫鴉黃半未成王安石

詩漢宮嬌額半塗黃

舊注謂額閒小黃顰也漢唐宮中皆然

粉 說文傅面者也糝粉也是粉一名糝也古者屑米

爲粉釋名粉分也研米使分散也或豆爲粉周禮籩

人修籩之實糝餌粉養注云豆屑也蓋如今之豆粉

韻會古傅面亦用米粉又染之爲紅粉後乃燒鉛爲

粉

案粉曰鉛華爲此也

墨子書禹造粉博物志紂燒鉛成胡粉

呂氏春秋高誘注亦曰紂作胡粉其謂之胡者釋名

云胡粉胡餽也脂和以塗面也

案粉曰脂粉爲此也

崔瑗七依

曰加以脂粉潤以滋澤故今之施粉和冰脂塗掌爲

此也造粉之法古用燒鉛近世用酒罨化其術尤巧

本艸李時珍曰今金陵杭州韶州辰州皆造之

俗呼吳越

者爲官粉韶州者爲韶粉辰州者爲辰粉也

而辰粉尤真其色帶青

案造辰粉

法須火化用醋及豆粉蛤粉具詳本艸

范成大桂海虞衡志言桂林所

作鉛粉最有名謂之桂粉以黑鉛著糟甕中罨化之

何孟春餘冬錄云嵩陽產鉛居民多造胡粉其法鉛

塊懸酒缸內封閉四十九日開之則化為粉矣化不

白者炒為黃丹黃丹滓為蜜陀僧三物收利甚博同參

契云胡粉投炭中色壞還為鉛抱朴子其鉛氣有毒

內篇愚人不信黃丹胡粉是化鉛所作工人必食肥豬犬肉飲酒及鐵漿以厭之枵腹中其

毒輒病至死長幼為毒熏蒸多痿黃癰攣而死物類

相感志韶粉蒸之太白以蘿蔔瓮子蒸之則白案古

蕭史與秦穆公鍊飛雪丹第一轉與弄玉塗之今注

水銀膩粉是也李時珍曰神仙家折鉛字為金公攷

本艸金公變化最多一變而成胡粉再變而成黃丹

三變而成蜜陀僧四變而為白霜案白霜即鉛霜李

時珍言鉛霜乃鉛汞之氣交感英華所結道家謂之

神符白雪然則弄玉所塗豈是歟非常所用故無取

焉飛燕外傳趙后傳露華百英粉盛粉之器謂之笏急就篇芬薰脂

粉膏澤笏又謂之盃唐書李德裕傳敬宗詔浙西貢

脂盃妝具盃蓋櫝匣小者之名也宋史與服志皇帝承天受命之寶納

於小盃集韻與籠通今俗謂之粉盒類篇盒盤屬廣韻盃覆也案今俗通名器之有盃者

盒曰

騰 說文畫眉也玉篇深青也篇海引通俗文染青石

謂之點騰今省作黛案戴侗作六書故曾見唐本說文騰字注云或作代然則騰省

作黛亦有本也釋名黛代也滅眉毛去之以此畫名又以代訓黛

代其處也古者黛本黑色蓋卽以墨爲之楚辭大招

粉白黛黑王逸注黛畫眉鬢黑而光淨本艸別錄黑
石脂一名石墨一名石涅李時珍曰此乃石脂之黑
者亦可爲墨書字畫眉舐之黏舌與石炭不同南人
謂之畫眉石是也後世黛用青色不純以黑西京雜
記卓文君眉色如望遠山其非純黑可知後漢明帝
宮人拂青黛蛾眉青黛者似空青而色深石屬也如石
青之類故徐陵玉臺新詠敘南都石黛最發雙蛾南部
煙華記煬帝宮中爭畫長蛾眉司宮吏日給螺子黛
五斛號蛾子綠韓愈送李愿歸盤谷敘粉白黛綠是

知唐眉猶用螺黛也今世畫眉仍復黑色皆燒柳枝

爲之

玉篇云鬢亡賢切燒煙畫眉是必古有此法也

或取錘金烏紙湮研塗

畫止須對鏡可作而漢書張敞傳爲婦畫眉長安中

傳張京兆眉憮

孟康曰憮音誦北方人謂媚好爲誦音蘇林曰憮音嫵師古曰蘇音是

案憮嫵古通用

是敞材輕無威儀非實事也前世有禁畫眉

者通鑑周天元帝禁天下婦女施粉黛皆黃眉黑妝

採蘭雜志膏神曰鴈嬾黛神曰天軼粉神曰子占脂神曰與贅首師神曰妙好衣服神曰厭多

櫛

說文梳比之總名也

徐鍇曰櫛之言積也詩周頌其比如櫛

梳理髮

也

徐鍇曰梳之言導也

禮內則櫛縱笄總櫛亦理髮也古或以

木或以象禮玉藻櫛用櫛櫛

說文櫛木也

髮晞用象

櫛

注云晞乾也

案髮乾故以象櫛取其滑

梳者興於上皇二儀實錄赫

胥氏造梳以木爲之二十四齒取疏通之義釋名梳

言其齒疏也枇言其細相比也

案枇比通

廣雅比櫛也蒼

頡篇靡者爲比粗者爲疏今亦謂之梳急就篇鏡簪

疏比各異工

顏注簪威鏡之器若今鏡匣也

案列

又作奩後漢書皇后紀帝視太后鏡奩中物今俗以嫁女之具曰粧奩言齟齬威首飾之器也今譌爲

簡顏師古注櫛之大而粗所以理髮者謂之疏言其

齒稀疏也

案古音轉注梳又音束妝梳也劉禹錫小歷陽書事詩容顏本南國妝梳學西京小

而細所以去蟣蝨者謂之比言其齒密比也皆因其

體以立名案比疏或作比余史記匈奴傳漢文帝遣

單于比余漢書作比疎

師古曰辨髮之飭也以金爲之比音頻寐反疎字或作余

比或作鑷

玉篇釵也

杜甫詩耳聾須畫字短髮不勝鑷俗

作篋

說文新附字篋導也今俗謂之篋廣韻眉篋案導者簪也南齊高祖性儉約見主衣中有玉

導曰雷此是與長敝源命擊碎之是知篋乃簪導之名俗人因見比有竹爲者遂書比爲篋矣天祿識餘

云簪導字出隋書釋名曰簪建也所以建冠於髮也導所以櫟髮髮使入巾櫛之裏也導古者男女皆用

之禮云簪總拂髦詩云象之拂也拂髦象拂今之簪子晉明帝與諸葛恢書云今途屏導小物耳然是情

發於中而寄於物

環 說文新附字釧臂環也玉篇釵釧何晏與謝尚書

珍玉名釧因物寄情庾信竹杖賦玉關寄書章臺畱
釧墨莊漫錄唐文宗問宰臣金條脫何物宰臣未對

文宗曰古詩輕衫穩條脫卽今臂釧也北夢瑣言宣

宗嘗有金步搖未能對溫庭筠以玉條脫對之帝賞

焉玉條脫出華陽眞誥

繁欽定情詩何以致繾綣綰綰臂雙金釵何以敘契闊繞臂

金跳脫案一作跳脫一作條達並傳寫之譌

案釧字所興未知其審孔子

佩象環五寸非係臂也惟急就篇係臂琅玕虎魄龍

似是臂環而猶未名爲釧故曹植美女傳攘袖見素

手皓腕約金環王粲閒居賦願爲環以約腕則知雖
東漢之末仍名釧爲環矣說文有釧蓋非古歟而廣
韻釧字引續漢書云孫程十九人立順帝各賜金釧
指環是釧字已起於東漢時矣又如金釵之字亦古
所無說文新附字釵笄屬本只作又此字後人所加玉篇釵婦人岐笄也蓋
釵頭本象笄形而末腳特作燕尾故曰岐笄卽如今
時洋叉之制矣案古皆名笄至漢時始有簪名士冠禮云皮弁笄鄭注云笄今之簪則知
漢始有簪也司馬相如美人賦玉釵挂臣冠秦嘉與婦徐
淑書今致寶釵一雙價直千金可以耀首徐答曰未

奉光儀則寶釵不設曹植美女篇頭上金爵釵繁欽

定情詩何以慰別離耳後璫瑁釵

叶音

依古字並當

作又而今皆書作釵亦未為得也攷毛詩疏

大雅旱麓篇

欲買赭不謂竈下有黃土欲買釵不謂山中自有栝

赭叶音杜釵叶音楚陸璣艸木疏栝其形似荊而赤

莖似著上黨人織以為斗筲箱器又屈以為釵故上

黨人調曰問婦人欲買赭不謂竈下

自有黃土問買釵不謂山中自有栝夫以栝為釵即

如以著為簪

見韓詩外傳亡其著簪

古安得有又旁加金之字

乎又鈿字亦古所無

說文新附字鈿金華也

案今

指環今戒指也蓋自古有之毛詩靜女傳古者后

夫人必有女史彤管之法史不記過其罪殺之后妃
羣妾以禮御於君所女史書其日月授之以環以進
退之生子月辰則以金環退之當御者以銀環進之

著于左手既御著于右手事無大小記以成法

五經要義

同見潛確類書

漢舊儀宮人御幸賜銀指環令數環計月也

案此則古法至漢猶存所以知必是指環者以其言
著於手明知非臂環矣西京雜記戚姬以百鍊金彊

口平聲

照見指上骨惡之以賜侍兒妝樓記何充妓於

後閣以翡翠指環換刺繡筆充知乃令蒼頭急以蜻

挺帽贖之

案指臂有環既以爲飾又金玉堅剛取鎮重筋骨之義故指環臂環皆有取焉

翦

說文齊斷也劑齊也爾雅釋言劑翦齊也

魯頌閔宮傳翦

齊也義翦斷也

郭璞注南方人呼翦刀爲劑刀案翦說文作

翦云羽生也一曰采羽是知經傳言翦之文依字並

當作劑劑訓齊斷劑又訓齊故江南呼劑刀爲劑刀

也

釋名云翦刀翦進也所翦稍進前也是即郭注所說者也

亦謂之蜀刀蜀人作

之尤善也漢書酷吏楊僕傳欲請蜀刀問君賈幾何

對曰率數百又謂之布刀循吏文翁傳買刀布蜀物

齎計吏以遺博士如淳曰金馬書刀今賜計吏是也

作馬形於刀環內以金鏤之晉灼曰刀書刀布布刀

也舊時蜀郡工官作金馬書刀者似佩刀形金錯其

拊布刀謂婦人割裂財

裁同

布刀也

師古曰刀凡蜀布有環者也布蜀布

細密者也

條縣騰

博規

細細

二者蜀人作之皆

善故齋以爲貨無限於書刀布刀也

案如晉

二說

師古雖不從然可見

急就篇

牝弊囊橐不直錢

注弊

蜀人自有布刀也

本作

說

帛說文帛殘帛也牝帛裂也是殘裂布帛必有布刀

也杜甫詩寒衣處處催刀尺杜嘗爲蜀人故當解道

蜀刀又詩曰焉得并州快剪刀則知并州亦善此刀

也剪俗字也勑通作贊

漢書嚴助傳贊髮文身之民

或作髡

漢書

傳鬚茅作堂注鬚與剪同又作揃史記蒙恬傳周公自揃其爪沈

剪刀亦曰鉸刀釋名有鉸刀又云矢指也關西曰鉸

金飾器也顏延之赭白馬賦寶鉸星纏注云鉸裝飾也蓋言以金為釘鉸燦爛如星爾廣韻鉸

刀六書故交刃刀也利以剪李賀五粒小松歌綠波

浸葉滿濃光細束龍髯鉸刀剪注云東龍髯形容松

葉之齊如刀剪截也鉸即今婦功縫人所用者俗呼

剪刀案剪亦皆當作荆今通呼剪刀所斷為鉸也

籥籥說文籥也今讀尼輒切古讀爾音與昵同何謂非

聲籥籥也又燕冬鳥也籥口布玟枝尾蓋燕口銳下

豐上如簪之形故謂之簪因知古簪卽如燕口之形

也今簪皆橢長而平下或銳下作鉤吻矣自漢以後

簪通作鑷釋名鑷攝也攝取髮也

案作鑷始於此宋書范蔚宗傳法

靜還義康餉熙先銅匕銅鑷

雲仙雜記王僧虔晚年惡白髮一日

對客左右進銅鑷僧虔曰卻老先生至矣庶幾乎

嚙

錄同案鑷是首飾之名後漢書輿服志簪以瑇瑁爲撚長一尺端爲華勝上爲鳳凰爵以翡翠爲毛羽下有白珠垂黃金鑷崔瑗釵銘三珠璜釵鑷髮鑽瑩集韻或作鑷類篇亦作釵並非

簪說文書僮竹筓也筓折竹垂也潁川人名小兒所

書寫爲筓簪也

博雅

蓋簪析竹片爲之是小兒學

書之簡書一簡爲一策猶今世書一篇爲一策也或

通作葉

案籥與龠倫並通說文各別爲字詩衛風左手執籥說文作龠云如笛六孔書金縢啓籥

見書說文作闕云闕下牡也方言作倫云戶倫自闕而西謂之倫書於方木謂之枹

說文枹棧也棧枹也通作觚說文敘七曰爰書徐鍇

注爰體八觚隨其勢而書之

案知爰體八觚者說文爰以積竹八觚也陸

機文賦或操觚以率爾注云觚木之方者古人用之

以書猶今之簡也案今小兒學書或削竹簡或爲木

版本版者俗曰水牌書畢則拭之其中以方布古謂

之幡說文帑幡也幡書兒拭觚布也徐鍇曰觚八棧

木於上學書已以布拭之今俗呼幡布內則所謂幡
幌是也案說文楚謂大巾曰幡帥佩巾也或作幌

又音

稅今俗通謂之手巾

枇杷 樂器也釋名枇杷馬上所鼓風俗通作批把云
近世樂家所作以手批把因以爲名長尺五寸象三
才五行四弦象四時集韻推手前曰批引手後曰把
俗作琵琶唐書自下逆鼓曰琵琶自上順鼓曰琶近代
樂家所作不知所起傅牟琵琶敘云漢送烏孫公主
念其道遠思慕故國使知音者於馬上作之

案段安節樂府

雜錄謂卽烏孫公主造與此異古今樂錄琵琶出於弣鞞杜摯以爲

興之秦末蓋古長城役百姓弣鞞而鼓之其撥謂之振廣韻十

二霽云振琵琶撥也容齋隨筆白樂天以琵琶字作

入聲讀如云四弣不似琵琶聲亂瀉真珠細撼鈴又

忽聞水上琵琶聲主人忘歸客不發皆入聲也案

不但此也其枇杷詩深山老去惜年華況對東溪野

枇杷是枇杷果之枇亦作入聲讀也琵琶又叶音婆其

小庭有月詩菱角執笙簧谷兒挾琵琶紅綃信手舞

紫綃隨意歌是也枇杷案琵琶又或作鞞婆見搜神記

杷果名見上林賦注案琵琶古音婆其字途作鞞婆而搜

神記以爲琵琶名於義無取也說文負戴器也漢

書東方朔傳是鞞也蘇林曰鞞音貧鞞之鞞鞞音

疑當爲檣檣唐韻檣郡羽切說文負戴器也漢

數錢之數囊藪鉤灌四股鉤也師古曰囊藪戴器也以盆盛物戴於頭者則以囊藪薦之今賣白團餅人所用者是也寄生者芝菌之類淋潦之日著樹而生形有周圍象囊藪者今關中俗亦呼爲寄生非爲蒿之寄生寓木宛童有枝葉者也故朔云著樹爲寄生盆下爲囊藪明其常在盆下今讀書者不曉其意謂射覆之物覆在盆下輒改前覆守宮盆下爲盆字失之遠矣楊惲傳鼠不容穴銜囊藪也盆下之物有飲食氣故鼠銜之四股鐵鉤非所銜也案顏注甚是再

以說文證之卽是檳盥

說文檳與盥同小檳也

檳盥者今人結

艸爲器其狀如環大小若盃以薦土銓賣餅餤人亦

以薦盆或戴於首恆負於肩

案今時簍藪亦有結艸周圍若覆斛者大者乃

如僧家蒲團用以薦器狀類寄生顏氏所云殆非虛矣

寄生著樹非其自榮此

器爲薦非能獨用故東方滑稽不說寄生乃言簍藪

此卽朔謂臣與爲隱耳非以寄生象簍藪也至於蘇

林所說鉤灌四股卽非鐵鉤陸璣詩疏羊桃枝弱引

蔓艸上今人以爲汲灌重而善沒不如楊柳是知柳

條藤蔓並資汲灌今世邨民樹皮糾纏猶存古意雖

非寔藪亦其倫也若乃寄生芝菌爾雅釋艸厥名蘧

蔬郭景純言音同𦍋𦍋然則蘧蔬之讀當如𦍋𦍋

𦍋之音又若寔藪

寔藪之聲轉爲菜莛爾雅釋木椒

釋文云菜一音巨六反莛又所于反是菜莛讀若穀疏矣

展轉推詳顏公所注殆

似遠有依據非夫憑臆而談者也參之史記滑稽傳

云甌窶滿篝正義曰甌窶謂高地狹小之區得滿篝

籠也案甌卽是盆窶卽窶藪甌窶之言明其狹小蓋

是古語東方所述實本滔于雖復滑稽諒非無據者

爾

釋名云窶藪猶局縮皆小意也

瓷

說文瓦器也

案說文瓦土器已燒之總名史記龜

陶呂氏春秋高誘注亦云桀類篇陶器堅緻者案今

作瓦蓋是昆吾爲桀作也

之瓷器漢時未有故說文但云瓦器蓋是搏埴之精

緻者如今世所存漢未央魏銅雀瓦耳方之今瓷譬

猶頑土也宋葉寘筆衡陶器始舜時三代迄秦漢所

謂甓器是也近世不貴金玉而貴銅瓷遂有祕色窯

器乃錢氏有國日越州燒進臣庶不得用故云祕色

老學庵筆記二云耀州出青瓷器謂之越器似以其

類餘姚縣祕色也然極麓樸不佳惟食肆以其耐久

多用

然陸龜蒙詩九秋風露越窯開奪得千峯翠色

來如向中宵承沆瀣共嵇中散鬧遺格則越窯又非
始錢氏案晉書曰戴安道少時取雞卵汁溲白瓦屑
作鄭公碑文手刻字文旣綺藻器亦妙絕又案白瓦
屑卽白瓷屑也又晉潘岳笙賦傾縹瓷以酌醺醪說
文縹青白色是則縹瓷卽今之青白瓷器蓋自晉時
已有矣而文選司馬相如長門賦綴錯石之瓊璧兮
象璫瑁之文章注云錯石雜眾石也言累眾石令之
密綴以爲瓊璧采色閒雜象璫瑁之文章也爾雅郭
璞注今江東呼瓊爲瓊瓠據此說卽如今世造琉璃

甄瓦

穆天子傳天子東征有采石之山升山取采石鑄以成器則鑄石爲琉璃蓋自周已有之案

玉篇

作瑤璃博雅作琉璃珠也古詩爲焦仲卿妻作

移我

琉璃榻出置前窗下又或作流離漢書西域傳

注師

古曰大秦出赤白黑黃青綠縹紺十種流離此

自然

之物今所用皆銷冶石汁加以眾藥灌而爲之

始於

元魏月氏人商販至京採礦鑄之韻會玻璃

亦西

國寶此云水玉千年冰化亦書作頗黎案今

之造

資器卽與造琉璃無異但中間是則瓷器疑漢

石汁

爲胎然後加資色或圖畫之

時已有之而它書別無可據蓋此賦是後人僞作非

相如所著今資實非漢所有爾至於近代乃有哥窯

定窯之選矣

老學庵筆記二云故都時定器不入禁中惟用汝器以定器有芒也今世

豪家富室貴於古瓷鑑色察形卽知久近土皴石駁

寶若鼎彝乃至一盃之直價論百金

香祖筆記七云常見一貴人買

得柴密盃一枚其色正碧流光四照價餘百金魯以廣往齊復求真烏虓茂

陵玉盃遂出人閒晉殿銅駝會藏荊棘又沉於瓦釜

雷鳴壽非金石者哉

金薄

通作箔

廣韻箔簾也

錘金爲薄葉片紙夾之輕輒欲

飛以唾噴之始定謂之金薄

案又一種冶錫作者名爲金銀箔今人裁剪爲

楮錢燒之不知起於何時始見於南齊書武帝紀禁

不得以金銀爲箔蓋必起於六朝也而三國吳志劉

繇傳竿融大起浮圖祠以銅爲人黃金塗身似卽今

人以金貼佛身及面故金箔謂之佛面金也蓋漢魏以後俗尚華奢金漸騰貴故南齊武帝始爲金箔之禁宋史眞宗紀太中祥符元年二月丙午申明不許以金銀爲箔之制仁宗紀康定元年八月戊戌禁以金箔飾佛像哲宗紀元祐二年九月丁卯禁私造金箔元史仁宗紀至大四年三月辛卯禁民間製金箔銷金織金

案宋史劉庠傳仁宗外家李珣犯銷金法庠奏言法行當自貴近始從之金史世宗

紀大定七年七月戊申禁服用金絲其織賣者皆抵罪

艸木子曰金一爲箔無

復再還元矣是故六朝以來代皆設禁猶不能止而

唐書敬宗紀詔度支進銅三千觔金簿

卽箔字

十萬翻

修清思院新殿及昇陽殿圖障又吳志何姬傳注引
江表傳孫皓使尙方以金作華燧步搖假髻以千數
令宮人著以相撲朝成夕敗輒出更作今則蘭若佛
祠輝煌金碧而豪家婦女鈿頭釵腳無非金華名爲
鍍金

廣韻鍍金飾物也
古字無鍍當書作塗

案

惟此二事糜費黃金更

無限極沿習成風遂不能禁昔宋太宗問學士杜鎬
曰兩漢賜予多用黃金而後代遂爲難得之貨何也
對曰當時佛事未興故金價甚賤明太祖實錄言上

出黃金一錠示近臣曰此表箋袂盤龍金也令宮人
洗滌銷鎔得之而泰定閒乃於雲南立造賣金箔規
措所矣顧氏日知錄曰幼時見萬歷中赤金止七八
換崇禎中十換原注天啓中權奄用事百官江左至
十三換矣投珠抵璧之風將何時而見歟案前此二
二十換嘉慶紀元禁止辦貢金價爲減今日蓋十一
二換矣又日知錄引遼張孝傑爲北府宰相食貨無
厭嘗曰無百萬兩黃金不足爲宰相家愚讀顧氏書
以爲勲貴侈靡用過乎物之故信然

至於前代金箔之禁爲之慨然

糜金 糜爛也放金箔盂盎中以水沃之凡數過椎

頭研摩須極細仍注水盡出其黑者加膠傅瓷盃上
臨用復以上清膠水取下之謂之糜金糜通作泥此
法不知所起攷金史海陵本紀宮殿之飾徧傳黃金
而後閒以五采金屑飛空如落雪案此疑卽糜金所起元史世
祖本紀建大聖壽萬安寺佛像及窗壁皆金飾之凡
費金五百四十兩有奇水銀二百四十觔又言繕寫
金字藏經凡糜金二千二百四十四兩吳澄傳言粉
黃金爲泥寫浮屠藏經明泰定帝紀泰定二年七月
庚午以國用不足罷書金字藏經

時於雲南立造
賣金箔規措所

釵

廣韻釵金銀器令相著集韻固金鐵藥

釵音翰

正字

通釵藥以礪砂合銅爲之用胡桐汁合銀堅如石今

玉石刀柄之類釵藥加銀一分其中永不脫

案漢書西域傳

車師國多胡桐白艸孟康曰白艸艸之白者胡桐似

桑而多曲師古曰白艸似莠而細無芒其乾熟時正

白色牛馬所嗜也胡桐亦似桐不類桑也蟲食其樹

而沫出下流者俗名胡桐淚言似眼淚也可以汗金

銀也今工匠皆用之流俗語

譌呼淚爲律又案汗釵通

鍼

說文所以縫也

臣鉉等曰今

鍼綦鍼也

管子海王篇一女必

有一鍼一鍼注

鍼郭衣鍼也

案即綴

案鍼通作箴

禮

云鍼長鍼也

則紉箴

古者縫人謂之執鍼

左氏成二年傳楚侵及陽橋孟孫請往賂之以

請補綴

證俗文卷三

五

執斲執鍼織絰皆百人
案執鍼即今衣工也
石鍼者所以刺病也
漢書藝文志醫

經箴石湯火所施注云箴所以刺病也石謂砭石即
石箴也山海經高氏之山其上多玉其下多箴石注

云可以為砥針治癰腫者
案刺癰腫
或謂之鑱石
必須石箴今不可得或以瓷鋒代之

史記扁鵲傳鑱石橋引索隱曰鑱仕咸反謂石鍼
也橋引謂按摩之法天橋引身如熊顧鳥伸也黃

帝素問曰鍼頭如芒氣出如筐
後漢書陳忠傳隄潰蟻孔氣泄鍼芒蓋本

此於

烽燧 說文燧燧候表也邊有警則舉火與塞上亭守

燧火者篆文省作燧
案今又通省作烽燧所謂塞上亭者今之墩臺上有屋是也

古者為斥候以望烽燧
漢書賈誼傳斥候望烽燧不得臥文穎曰邊方備胡寇作

高土櫓櫓上作桔皋桔皋頭兜零以薪艸置其中常
低之有寇卽火然舉之以相告曰烽又多積薪寇至
卽然之以望其煙曰燧張晏曰晝舉烽夜燔燧也師
古曰張說誤也晝則燔燧夜則舉烽司馬相如傳
論巴蜀檄聞烽舉燧燔孟康曰烽如覆朱箕縣著
契皋頭有寇則舉之燧積薪有寇則燔然之也或
謂之權火曰權火烽火也狀若井挈皋矣其法類稱
故謂之權火欲令光明遠照通於祀所也漢祀五時
於雍五十里一烽火如淳曰權舉也師古曰凡祭祀
通舉火者或以天子不親至祠所而望拜或以眾祠
各處欲其一時薦饗宜知早晏故以火爲之節度也
亦謂之狼煙哉師古曰匈奴中地名也胡三省曰邊
人謂舉烽燧爲狼火狼望謂狼煙候望之地也案
俗說烽用狼糞爲之者煙氣直上風吹不滅故也

橐籥 冶鼓火器也老子道德經天地之間其猶橐籥

乎注云橐者外之櫝所以受籥也籥者內之管所以

鼓橐也淮南本經訓鼓橐吹埵以消銅鐵

高誘注云鼓擊也橐

冶鑪排橐也埵銅橐口鐵筒入火中吹火者埵音朵

今案埵卽吹筒也排橐後漢書注謂之排

案排橐

卽鞴也今仍用之與風匣用同而制異

羊車 考工記車人職曰羊車二柯有三分柯之一鄭

注云羊善也善車若今定張車較長七尺

賈疏云後鄭雖舉漢

法以曉人漢世去今久遠亦未知定張車何所用但

知宮內所用故差小謂之羊車也晉書武帝掖庭

並寵者眾莫知所適乘羊車恣其所之宮人乃取竹

葉插戶鹽汁灑地以引帝車案釋名云羊車羊祥

也祥善也善飾之車今犢車是也合之攷工記注則

知羊車特車之小者耳非是以羊駕車而釋名又一

條云羸車羊車各以所駕名之也是則羊車卽謂以羊駕車與前說又異故知晉書竹葉鹽汁史書亦有不盡失實者也今京師人以羸車爲貴至於驢馬所駕謂之羊車並行街衢避由狹路不容同軌又與釋名異矣案雞栖車見日知錄杜詩注

輿轎 漢書嚴助傳輿轎而險領服虔曰轎音橋梁謂

隘道輿車也

案如今登山所乘轎子

臣瓚曰今竹輿車也江表

作竹輿以行是也師古曰此直言以轎過領耳險與

踰同

案此卽肩輿一曰擔輿今俗通謂之轎讀如微倖

茲其 鉏也周禮柞氏注云萌之者以茲其所其生者

釋文茲其音基茲其鉏也疏云漢時茲其卽今之鋤

也案或書作鐵基非也說文鐵乃煎字重文

焠兒 田汝成委巷叢談杭人削松木為小片其薄如

紙鎔硫黃塗其銳名曰發燭亦曰焠兒用以發火史

載周建德六年齊后妃貧者以發燭為業豈即杭人

所製歟陶穀清異錄云夜有急苦於作燈之緩披杉

染硫黃遇火即燄呼為引光奴今遂有貨者易名火

寸天祿識餘案寸焠聲相近字之譌也然引光奴之名為雅案今俗名促燈疑促為焠聲之誤也北

方人貨者難為之尤易得

火鎌 不知所起古有金燧取火於日木燧鑽火於木

禮內則注金燧亦曰夫遂又曰陽遂周禮司烜注案金木二燧

蓋皆鐵爲之其木燧卽今木鑽而金燧其狀未聞春秋

繁露郊語篇云頸金取火頸本作賴然則賴金蓋卽金燧歟案今之火鏡火球皆燒器也易取火

之火鎌同如鈎鎌之形釘革手持以爲固擊石出火

以爲利不日而然無風而吹捷於用燧者也唐韓愈

石鼓歌云牧童敲火牛礪角似言今之火石而不言

敲火之物唯宋王得臣登蓮華峯記說郭誤載柳公權舊聞記中名

山勝概記云旣上當煤火爲信乍沖發笈取一藥缶

并火金懷之而去再一旬而及峯頂廣約百畝中有

池亦數畝菡萏方盛池側有破鐵舟觸之則碎周覽已乃取火金敲之揉枯荻以承之大木亦有朽仆於地者拉其枝榦燂火焉案此言火金卽火鑱矣今人擣艾葉爲茸承以敲石取火所謂揉枯荻以承之是也

擊壤 古時兒童戲具非土壤也周處風土記以木爲之前廣後銳長尺三寸其形如履先側一壤於地遙於三十四步以手中壤擊之中者爲上案卽飛塼戲也

集韻塼徒禾切飛塼戲也

宋世寒食有飛塼之戲梅堯臣禁煙

詩窈窕踏歌相把袂輕浮賭勝各飛壻是也

案亦曰拋壻

今名爲打瓦實則投石其石方長大小不一先立一

石於十步之外手石擲擊或以足蹴蹋發機命中蓋

本古人投石之藝因以角力兒童此戲捷於木爲者

也又有木檠之戲謂之打椿

讀爲竹懷切

木爲短檠平置

於地手木擊撞令飛躍階上以爲得僞奔頭刺尾各

臻其勝唯茲二者邨里兒童尤爲競尙矣

案崔駰西巡頌表曰

唐虞之世樵夫牧豎擊轅中韶感於和也班固集擊

轅相杵亦足樂也曹植書擊轅之歌有應風雅是知

擊壤擊轅並唐虞時事矣

廁籌

言鯖胡應麟甲乙刺言曰有客謂予曰嘗客安

平其俗如廁男女皆用瓦礫代紙殊爲嘔噦

安平晉唐皆爲

博陵縣

案如廁用紙不聞所始古多用廁籌北齊文宣

王如廁令楊愔執廁籌是帝王之尊用廁籌也齊東
昏佞佛爲僧削廁籌於面上試之三藏律部宣律師
上廁法用廁籌是比止之淨用廁籌也今山寺僧人
用廁籌者十八九用過仍濯而再用之今西北宣大
及兩川諸郡俱用瓦礫并無廁籌者

便器

說文械窰褻器也賈逵周官解械虎子也古之

受大小洩者皆以虎子呼之西京雜記漢朝以玉爲

虎子以爲便器使侍中執之行幸以從案漢朝侍中

之孔先以名士侍中親執唾壺此猶可也謂執便器

以從恐不可信汲黯傳大將軍青侍中上踞廁視之

酈融如已謂非宜案廁謂之圜說文廁清也徐鍇曰

況使親執褻器邪玉篇圜溷也雜也釋名廁言人雜

穢常當清除也溷言溷濁也或曰圜至穢之處宜

在上非一也或曰路廁謂之匱周禮宮人爲其井匱

常修治使潔清也鄭司農云匱路廁也

廁版謂之脰漢書萬石傳廁脰蘇林曰脰音投賈逵

中受糞廁鬼曰項天竺一曰也段成式

顛不刺言鯖西廂記顛不刺見了萬千箋釋者以顛

不刺爲美女非也萬歷初張江陵當國將南京太祖所藏寶玩盡取上京中有顛不刺寶石一塊重七分老米色若照日只見石光所以爲寶也今人不知

雌黃 言鯖今謂譏議人曰雌黃非也古人寫書用黃紙故以雌黃滅誤以其相類也顏之推曰讀天下書未徧不可妄下雌黃謂不得以己意擅改書中之字如金銀車之類是也西晉王衍善談論錯舉經籍輒隨口改易聽者不覺故謂之口中雌黃亦以其改易字句如口中塗滅更定非以其譏議也

余案古人寫書亦不純用

黃紙至於雌黃滅誤雖施於白紙上其色輕淡若有
若無良爲妙也又案顏氏家訓勉學篇云校定書籍
亦何容易自揚雄劉向方稱此職爾觀天下書未徧
不得妄下雌黃書證篇云漢書田肯賀上江南本皆
作宵字沛國劉顯子臻讀班史呼爲田肯梁元帝嘗
問之答曰此無義可求但臣家舊本以雌黃改宵爲
肯元帝無以難之觀此二文可知古人校
書以雌黃滅誤改而塗之此言不虛爾

墨

墨所以書也古者用石後用松煙太平御覽六百

五卷引范子計然曰墨出三輔上價石百六十中三
十下十韋仲將筆墨方曰合墨法好醑煙擣訖以細
絹筵於缸中筵去草芥若細紗以細絹筵塵埃此物
至輕微不宜露筵慮失飛去不可不慎墨一斤以好

膠五兩浸枰皮汁中枰江南樊雞木皮也其皮入水

綠色解膠又益墨色可下雞子白去黃五枚亦以真

珠一兩麝香一兩皆別治細漚都合調下鐵臼中甯

剛不宜澤

案此謂不宜水多太溼也

擣三萬杵杵多益善合墨不

得過二月九月溫時敗臭寒則難乾漚溶見風日碎

破重不得過二兩

案此即松煙法也後乃用桐油而松煙漸微故錄而存之舊傳墨譜

墨苑墨經之類皆桐油法而明初沈繼孫墨法集要其書遂盛行於世

抽替

珩璜新論

宋臨江孔平仲毅父纂

俗呼抽替南史后妃傳

上殷淑儀孝武帝之貴妃也有寵而薨帝思見之遂

爲通替棺欲見輒引替觀屍

麻擣 玕璣新論俗以和泥灰爲麻擣出唐六典京兆

歲送麥稍三萬圍麥甃二百車麻擣三萬斤

案麻擣者須用

擣爛以和泥灰也麥稍說文麥莖也麥甃玉篇麥殼破碎者今麥糠也皆可和泥泥牆屋

證俗文卷三

孫聯

孫聯

茹芬

曾孫國

瑞忠

國

鎮斌

同校字